

清

史

稿

清史稿

禮志六

吉禮六

昭忠祠

功臣專祠

品官士庶家祭

賢良祠
宗室家廟

昭忠祠雍正二年諭曰周禮有司勳之官凡有功者書名太常祭於大烝祭法以死勤事則祀之於以崇德報功風厲忠節自太祖創業後將帥之臣守土之官沒身捍國良可嘉憫尤宜立祠京邑世世血食其偏裨士卒殉難者亦附祀左右褒崇表闡俾遠近觀聽勃然可生忠義之心並爲立傳垂永久於是建祠崇文門內歲春秋仲月諱吉遣官致祭王公大臣位正殿陳案七羊一豕一左三案共羊豕各一右如之每案素帛一爵三果盤五諸臣位兩配樓賢後正室各設案五兩廳各設案三皆羊豕各一爲通數兵士附祀案三十有六案設豕肉一盤爵三果品二太常卿承祭配樓後室司官分獻六年祠成命曰昭忠頌

御書額曰表獎忠勳明年循序定位前殿正中祀敬謹莊親王尼堪英誠武勳王揚古利定南武壯王孔有德贈忠勇王黃芳度武襄公巴爾堪凡五人東次龍祀安北將軍佟國綱一等公佟養正達福西哈一等侯馬得功一等伯巴什太都統宜理布巴都里議政大臣程尼穆和琳大學士張泰議政大臣羅沙三等伯王之鼎總督范承謨額駙托柏大學士龍西色思泰總督額倫特尙書查弼納圖們太子太保佟濟倉場侍郎王秉仁巡撫傅宏烈都統博波圖議政大臣雅資道禪名蓋參贊內大臣馬爾薩凡二十八人西次龍祀續順公沈瑞輔國公巴賽大學士莫洛尙書布顏岱十六大臣綽和諾巡撫柯永昇都統沙里布巡撫馬雄鎮總督甘文焜佟養甲侍郎朝哈爾鹽運使高天爵參領費揚古統領圖魯錫喀爾他拉喀爾護吉副都統海蘭蘇圖統領胡里布哈克三佐領葉喜侍郎永國統領阿爾岱提督孫定遠凡二十有四人東又次龍統領劉哈副都統盧錫科布蘇阿喀倪納爾特錫密資科爾坤多頗洛載蒙渾錦魏正羅濟阿什圖覺羅阿克善常祿阿爾護吉三巴雅思虎朗凡十有八人西又次龍

提督段應舉副都統穆舒孟魁白原任巡撫賈維鑰副都統邁圖參領葛思特
巡撫朱國治張文衡侍郎馬如璧糧道葉映樞巡道陳啟泰通政使莫洛渾一
等子穆克覃阿納達代音布巡道陳丹赤一等子覺羅莫洛渾數亦如之東末
龜總兵吳萬福徐勇費雅達朱天賈張存福都督僉事洪徵總兵阿爾泰歐陽
凱兵備道李懋祖總兵楊佐統領張廷輔遊擊楊光祖統領定壽總兵王承業
侍衛錫喇巴布政使遲變龍凡十有六人西末龜參領郭色統領新泰提督康
泰二等子覺羅顧納岱總兵司九經二等子拜蘭總兵郝效忠劉良臣三等子
巴郎都爾莽鼐副將楊虎參將趙登舉守備紀法參將甘應龍副將蔡隆二等
子拜三一等男路什總兵康海凡十有七人後室配樓左右次龜又次龜兩廡
暨各次龜祀官千五百餘人東西房附祀兵士萬三百有奇八年定制以滿尙
書都統一人承祭後室兩廡太常官分獻十一年令子孫居京秩者隨祭乾隆
十三年諭祀陣亡總兵任舉侍衛丹泰旋令征金川陣沒將士并入之十五年
祀都統傅清左都御史拉布敦十八年追封巴爾堪巴賽並爲簡親王移巴爾

堪位揚古利上巴賽位孔有德上初前室左右各三龕止序爵秩不繫時代至是定議自天命以來按代序官同代同官序年月依賢良祠例按時班爵爲序其兵士設位分前後庶以橫板隔別之中葉以後入祀者將軍班第明瑞溫福都統滿福扎拉豐阿參贊大臣鄂容安統領觀音保烏三太台斐音阿提督許世亨副都統呼爾起阿第木保覺羅明善總兵王玉廷李全德福貴林張朝龍而海蘭察以病沒端濟布以傷亦並入之至典史溫模死守通渭從容就義特予入祠且有取義舍生賞延於世褒諭流外微官獲邀卹廢茂典也嘉慶朝祀大學士福康安將軍德楞泰提督花連布總兵多爾濟札普知縣強克捷先是康熙間巡撫曹申吉已入祠至是以阿附吳三桂按實奪之時各省言沒王事者奏報猥雜龍位不給於是詔建各省昭忠祠其京祠定文三品武二品以上及八旗官弁爲限已祀者如故嗣是卑官預祀視特旨行故事承祭官循例朝服今改蟒袍補服示別壇廟也道光初元以國初殉難副將楊祖光等入祀厥後庶入者都統巴彥巴圖烏凌阿印登額參贊大臣慶祥總督裕謙提督海凌

阿闥天培陳化成副都統海齡長喜總兵萬建功祥福葛雲飛鄭國鴻王錫朋
謝朝恩江繼芸慶和吳喜副將烏大魁馬韜周承恩劉大忠陳連陞朱貴瑪隆
阿伊克坦布等其卑秩中如知縣楊延亮縣丞方振聲守備馬步衝把總陳玉
威亦足多者咸豐三年更定卹典文四品武三品官得再入京祠并獲祀陣亡
所在地其文五品武四品以下凡贈職銜及當例卹者並祀之是時軍興死事
揚烈者踵起略舉其所入者都統烏蘭泰崔隆武將軍佟鑑祥厚蘇布通阿扎
拉芬和春總督吳文鎔陸建瀛提督長瑞長壽董光甲邵鶴齡恩長福珠洪阿
陳勝元雙福王錦繡常祿雙來翟騰龍佟攀梅鄧紹良德安周天培史榮椿張
國樑周天受王浚樂善褚克昌一等男阿爾精阿一等子左忻侍郎呂賢基戴
熙巡撫常大淳江忠源陶思培鄒鳴鶴吉爾杭阿徐有壬學政孫銘恩張錫庚
副都統伊勒東阿哲克東阿達洪阿貴陞綱閣博奇常壽西林布多隆武托克
通阿格綱額伊興額舒明安頭等侍衛達崇阿布政使岳興阿劉裕珍涂文鈞
李續賓李孟翠王友端按察使李卿穀周玉衡贊善趙振祚郎中宋蔚謙總兵

博春福誠馬濟美玉山程三光劉開泰桂林王國才蔣福長虎坤元羅玉斌邱聯恩田興奇承惠陳大富賻家勝郭啟元王之敬道員羅澤南朱鎮金光飭帥遠輝溫紹原何桂珍王訓趙印川郭沛霖黃淳熙繆梓知府謝子澄劉騰鶴江炳琳副將謝陞恩膺保李成虎彭三元周雲耀龍汝元同治朝則親王僧格林沁大學士曾國藩都統海全舒通額將軍多隆阿統領舒保參贊大臣錫霖武隆額領隊大臣色普詩惠慶達春泰穆克登額辦事大臣扎克當阿頭等侍衛隆春奇克塔善內閣學士金順總督占泰李臣典向榮塔齊布林文察鼐河清周顯承羅朝雲鼐德揚楊得勝曹仁美毛福益張仁泗劉松山譚玉龍羅雨春張紹武胡良作姚連陞饒得勝劉長槐榮維善楊春祥張萬美魯光明閻定邦劉祥發曹德喜巡撫王有齡羅遵殿鄧爾恆副都統錫齡阿蘇倫保恆齡按察使黃運昌總兵郝上庠雷陞熊建益林向榮余際昌郎桂芳江福山何建鼇羅應貴毛芳恆張樹珊唐殿魁周兆麒李大櫆陳清彥鄧鴻超江登雲傅先宗道員福咸俞焜趙景賢張同登趙國澍瑞春周縉秦衆奎彭毓橘葛承霖鄧子垣

知府朱鈞姜錫恩竇天灝于醇儒副將劉神山黃金友周學貴羅春鵬王夢齡
張起鳳劉勝龍光緒間則大學士左宗棠總督恒春曾國荃將軍明緒領隊大
臣崇熙烏勒德春托克托布博勒果素托克托奈喀爾莽阿參贊大臣額爾額
覺羅奎棟辦事大臣奎英薩凌阿提督朱南英李秀山湛其英楊世俊王子龍
文德盛陳忠德牒學義何明海魏金闢文德昌李登第王慶福楊萬義楊必耀
李大洪鍾興發張宗久楊玉科劉思河李其森梁善明鹽運使陶士霖總兵石
紹文陳登雲鄧仁和黃應斗周友山朱希廣王茂連王春和譚聲俊達年剛安
泰向集梧鄧承恩韋和禮劉節高陳嘉左寶貴周康祿黃鼎葉維藩侯雲登戶
部主事王潤知府賀秉琳侯學雲馬椿齡張瀚中副將王世曾李天和章茂張
定邦尤正廷楊隆輝張玉秋王碧庭徐安邦李啟榮裕廉王宗高二十六年尙
書崇綺將軍延茂總督李秉衡並入祀尋能秉衡凡祠祭諸臣大都効命戎行
守陴徇義或積勞沒身褒忠節勸來者會典纂詳茲錄什一以見例焉雍正初
各省立忠義祠凡已旌表者設位祠中春秋展祀乾隆四十一年定明代殉國

諸臣既邀諡典並許入祠又諸生草布山樵市隱者流遂志成仁亦如前例嘉慶七年始令各省府城建昭忠祠或附祀關帝及城隍廟凡陣亡文武官暨士鄉勇按籍入祀八旗二品以上官已祀京祠者仍許陣亡所在地祠祀合五十人一龜位祀正中兵勇則百人或數十人一位分列兩旁駐防位綠營上春秋二奠有司親蒞用少牢果品上香薦帛三獻如儀同治二年允曾國藩請江南建昭忠祠祀湖南水陸師陣亡員弁已復抗節官紳亦許崇祀並建專祠婦女殉難者亦別立貞烈祠云

賢良祠雍正八年詔曰古者大烝之祭凡法施於民以勞定國者皆列祀典受明禋我朝開國以後名臣領輔先後相望或勳垂節鉞或節厲冰霜既樹羽儀宜隆俎豆俾世世爲臣者觀感奮發知所慕效庶明良喜起副予厚期京師宜擇地建祠命曰賢良春秋展祀永光盛典迺營廟宇在地安門外西偏正殿後室各五楹東西廡歲春秋仲月諏吉遣官致祭前殿案各素帛一羊一豕一果五盤後室果品同唯牲帛共案而具一承祭官蟒服二跪六叩三獻餘如常儀

於是僉議怡賢親王允祥宗功元祀宜居首大學士公圖海公賴塔大學士張英尙書顧八代馬爾漢趙申喬河道總督靳輔齊蘇勒總督楊宗仁巡撫陳瑣咸列其選自是先後廣續入祠者大學士范文程巴克什達海阿蘭泰李之芳吳琪張玉書李光地富甯安張鵬翮甯完我魏裔介額色黑王熙領侍衛內大臣福善費揚古尹德尙書勵杜訥徐潮姚文然魏象樞湯斌提督張勇王進寶孫思克施琅總督趙良棟于成龍傅臘塔孟喬芳李國英都統馮國相李國翰根特統領莽依圖將軍阿爾納愛星阿佛尼埒副都統褚庫巴圖魯明年祠成頒御書額曰崇忠念舊設位爲祭前殿內大臣或散秩大臣尙書都統主之後殿用太常寺長官入祠日子孫咸與行禮春秋遣官陪祀同十二年祀大學士田從典高其位乾隆元年命入祀諸臣未予證者悉追予是歲祀尙書銜兼祭酒楊名時大學士朱軾內大臣哈世屯尙書米思翰五年祀總督李衛明年祀尙書徐元夢巡撫徐士林十年釐定祠位前殿正中祀怡賢親王後室諸臣合一龕首世次最先者餘分左右行按世序爵大學士居前次領侍衛內大臣尙

書都統將軍總督前鋒護軍統領提督侍郎巡撫副都統以次分列至世爵有子男授尙書都統者有侯伯爲侍郎副都統者仍視官秩爲差嗣是入祀則超勇親王策凌列怡賢親王左次名臣則大學士馬齊伊桑阿福敏黃廷桂蔣溥史貽直梁詩正來保傅恆尹繼善陳宏謀劉綸劉統勳舒赫德高晉英廉徐本高斌協辦大學士兆惠左都御史拉布敦尙書汪由敦李元亮阿里袞尙書銜錢陳翠都統傅清將軍和起伊勒圖奎林總督那蘇圖陳大受喀爾吉善鶴年吳達善何煟袁守侗方觀承薩載提督許世亨巡撫潘思榘鄂弼李湖傅宏烈宏烈自雍正時拉布敦傅清自乾隆時並入昭忠祠今再祀賢良者也嘉慶朝則祀大學士福康安阿桂劉墉王杰朱珪戴銜亨董誥尙書董邦達彭元瑞奉寬總督鄂輝道光朝則祀大學士富俊曹振鏞托津長齡盧蔭溥文孚王鼎協辦大學士汪廷珍陳官俊尙書黃鉞隆文將軍玉麟總督楊遇春陶澍河道總督黎世序咸豐朝則祀大學士潘世恩文慶裕誠協辦大學士杜受田侍郎杜堯巡撫胡林翼同治朝則祀大學士桂良祁窯藻官文倭仁曾國藩瑞常賈

植大學士銜翁心存協辦大學士駱秉章總督沈兆霖馬新貽其光緒朝入祀者恭忠親王奕訢名臣大學士文祥英桂全慶載齡左宗棠靈桂寶鋆恩承福鋗張之萬麟書額勒和布李鴻章榮祿裕德崑岡崇禮敬信協辦大學士沈桂芬李鴻藻將軍長順總督沈葆楨丁寶楨岑毓英曾國荃劉坤一提督宋慶巡撫張曜也宣統初入祀者止大學士王文韶張之洞孫家鼐鹿傳霖協辦大學士戴鴻慈五人而已各省賢良祠雍正十年詔各省會地建祠宇凡外任文武大臣忠勇威愛公論允翕者俾膺祀典用勸在官如將軍蔡良提督張起雲總兵蘇大有魏翥國足稱斯選定制春秋祭日視京師以知府承祭品物儀節亦如之

功臣專祠順治十一年詔爲孔有德建祠度地彭義門外三里曰定南武壯王祠二妃祔焉康熙三年定春秋展祀其後建恪僖公祠安定門外祀一等公遇必隆並縣主舒舒覺羅氏嗣領侍衛內大臣尹德尙書阿里賓贊其夫人乾隆時並祔祀云其建自雍正朝者朝陽門外勤襄公祠祀定南將軍佟國賴及其

夫人長子忠勇國綱次子端純國維皆以軍功祔祀德勝門外文襄公祠祀大學士圓海安定門外與恪僖祠並峙者爲宏毅公祠祀光祿大夫額亦都並以夫人配建自乾隆朝者東安門外恪僖公祠內大臣哈世屯及其夫人子承恩公米思翰孫李榮保其後曾孫大學士傅恆祔祀焉崇文門內雙忠祠祀左都御史拉布敦都統傅清合昭忠賢良而復建專祠者他無與比也地安門外旌勇祠祀將軍明瑞而都統扎拉豐阿統領觀音保總兵李全王玉廷德福亦先後入祔睿忠親王祠在朝陽門外祀多爾袞並福晉六人嘉慶時建大學士福康安祠曰獎忠在東安門外都統額勒登保祠曰褒忠在地安門外光緒時建科爾沁親王僧格林沁祠曰顯忠在安定門內大學士伯李鴻章祠曰表忠在崇文門內宣統時合祀立山聯元祠在宣武門外凡京師專祠歲春秋仲月吉日遣太常卿分往致祭用少牢一果品五唯佟國頤哈世屯兩祠則少牢三果品十有五旌勇祠少牢如通常果品亦十五云位各用帛一爵三諸祠並同嘉慶七年始定承祭官行禮用蟒袍補服其在各省者歲春秋守土官致祭茲

紀其助勞最著者自湖廣建忠節祠以祀左都督徐勇各省建專祠始此康熙間廣西建雙忠祠祀馬雄鎮傅宏烈於是福建祀范承謨陳啟泰吳萬福高天爵雲南祀甘文焜雍正間清河祀靳輔齊蘇勒開封祀田文鏡盛京祀怡賢親王乾隆中詔通達武功慧哲宣獻四郡王禮烈饒餘鄭獻穎毅四親王並入之改名賢王祠已睿忠豫宣二親王克勤郡王亦均同祀嵇曾筠高斌合祀清河靳輔等祠伊犁祀班第鄂容安而拉布敦傅清且建祠及西藏矣嘉慶時武威建雙烈祠祀韓自昌韓加業同安祀李長庚成都祀德楞泰韓城滑縣祀強克捷道光間江南祀黎世序臺灣祀方振聲馬步衡陳玉威趙城祀楊延亮虎門祀關天培暨陳連陞父子鎮海祀裕謙定海祀葛雲飛鄭國鴻王錫朋京口祀海歸寶山祀陳化成咸豐間廣西祀長瑞長壽暨阿爾精阿西安蘇州祀林則徐安慶祀蔣文慶廬州祀江忠源瑞州祀劉騰鴻江南蘇州祀向榮張國樑京口祀吉爾杭阿附祀綱闢劉存厚揚州祀雙來翟騰龍溧水許堅祀李坤元天津祀佟鑑謝子澄長沙九江祀塔齊布湖廣江西安徽祀李續賓江西湖廣祀

羅澤南又與饒廷選合祀廣信湘鄉復分祀澤南王金劉騰鴻湖南江西祀蕭
啟江蘇廣祀胡林翼後安慶亦祀之遵義祀羅繞典同治間湖北合祀官文胡
林翼廬州祀李孟羣浙江祀瑞昌王有齡張玉良等杭州祀羅遵殿富陽祀熊
建益湖州祀趙景賢陳州安慶臨淮淮安祀袁甲三南昌青陽祀江忠義安徽
湖廣祀李續宜後復與多隆阿合祀潛山安慶蘇州嘉興祀程學啓河南安徽
陝西吉林祀多隆阿後與林翼合祀安慶江甯安慶吉安祀李臣典湖南福建
廣東祀張蓮蘭曹州天津蒙城祀僧格林沁後復祀奉天湖南江蘇安徽祀彭
毓橘湖廣祀曹仁美等四川湖南祀駱秉章陝甘祀劉松山江甯安慶祀馬新
貽江甯湖南湖北安徽直隸祀曾國藩後復與國荃合祀開封長沙合祀張亮
恭潘鐸巴燕岱祀穆克登額哈密祀扎薩克親王錫伯爾南豐祀吳嘉賓貴州
祀蔣霨遠黃潤昌等於是禮部言各省專祠宜擇隙區曠土母侵民居並禁改
毀志乘名蹟聖賢祠墓報可光緒間揚州黃州祀吳文鎔安徽江西閩浙甘肅
祀劉典江南江西福建臺灣祀沈葆楨江蘇福建山東湖南祀郭松林江浙直

隸山東河南祀吳長慶後復祀朝鮮閩浙陝甘新疆江甯祀左宗棠四川湖南
江西安徽江蘇祀鮑超陝甘吉林祀金順大理鎮南祀楊玉科江西廣西雲南
新甯祀劉長佑雲貴廣西祀岑毓英安徽山東祀周盛波後復與盛傳戴宗騫
合祀濟南湖廣江西江南浙江西湖祀彭玉麟福建安徽吉林祀穆圖江蘇陝
甘祀楊岳斌南昌貴陽祀席寶田湖南江西江南祀曾國荃河南安徽湖北直
隸甘新祀張曜安慶江甯青縣祀周盛傳山東江蘇祀陳國瑞山東陝西祀閻
敬銘湖南甘新祀劉錦棠安徽福建祀劉銘傳山東四川祀丁寶楨杭州長沙
蘭州祀楊昌濬江浙河南直隸山東祀李鴻章直隸奉天河南安徽祀宋慶安
徽及蘆臺祀茲士成湖南江西安徽江甯祀劉坤一廣西雲貴祀馮子材安徽
湖南祀曾國華甘新祀陶模直隸安徽祀馬玉崑安徽祀英翰湖南宣城祀鄧
紹良江南祀蕭孚泗江甯祀陶澍林則徐鄒鳴鶴福珠洪阿清淮徐州祀吳棠
姚廣武等附之徐州祀滕學義唐定奎淮安祀張之萬杭州祀阮元蔣益澧淮
揚祀章合才南昌祀吳坤修東鄉祀羅思舉河南祀倭仁溫縣祀李棠階西安

祀劉蓉曾望顏天津祀怡賢親王文謙丁壽昌靈壽保定祀成肇聲順天薊州
祀吳可讀寶坻祀潘祖蔭新疆祀金蓮昌奉天建三賢祠祀文祥崇質都興阿
又祀左寶貴依克唐阿長順吉林祀金福延茂富俊希元福建臺灣祀王凱泰
四川西充祀武肅親王豪格臨桂祀陳宏謀貴陽祀曾璧光韓起黎培敬於時
各省紛請立專祠諭母濫宣統享國未久而湖北安徽陝甘奉天祀雷正綰直
隸山東河南安徽祀程文炳安徽及蒙古族祀潘萬才合肥祀董履高鴻陽祀
牛師韓杭州西湖祀徐用儀許景澄袁祀號爲三忠云祀又祀蕪湖自是聯元
祀寶坻張之洞祀武昌王文韶祀長沙馬維麟祀成都丁體昌祀秦州夏毓秀
祀昆明此皆舉其大者其餘疆吏題請禮臣議覆事載實錄年月可稽者尙不
一而足也有清一代從龍諸佐蔚起關外平三藩漢將西北爲多靖三省教匪
蜀將競興東南海寇橫閩帥踵起湘楚武臣戡平粵亂剿捻一役參以皖將其
間完節死綏祠祀尤夥其功臣總祠世宗朝建忠勇祠蘭州仁宗朝建彰忠祠
喀什噶爾同治中興湖南有表忠祠湘鄉平江有忠義祠洞庭君山湘鄉桂陽

有昭忠祠他如湖口石鐘山水師金陵湘軍陸師楚軍水師吳淞外海水師臺
灣淮楚軍蘇州武昌保定廬州巢湖濟南無錫各地淮軍使凡轉戰糜軀者莫
不馨香血食其爲昭忠一也此外江甯京口旗營金陵軍營官紳武昌武毅軍
成都嵩武軍錦州毅軍各昭忠祠與各州縣忠義昭忠慰忠忠烈等祠所以卹
死酬勳不可勝紀祭禮祭品如前儀

宗室家廟崇德元年定宗室封王者立家廟順治五年詔王無嗣祔太廟後
殿西廡有子孫者立廟別祭四孟月歲暮陪祭太廟畢歸府第行之凡薦新未
獻太廟者不得私獻家廟於時莊親王立一廟禮巽謙三親王合一廟饒餘郡
王端重親王合一廟穎親王順承郡王合一廟豫郡王一廟克勤衍禧二郡王
合一廟雍正九年怡賢親王立一廟凡親王世子郡王家祭建廟七楹中五爲
堂左右牆隔之爲夾室堂後楣北五室中奉始封王世世不祧高曾祖廟依序
爲二昭二穆昭東穆西觀盡則祧由昭祧者藏主東夾室升二昭位於一室以
二室奉升祔主由穆祧者藏西夾室升祔亦如之南爲中門又南廟門左右側

門庭分東西廡東藏衣冠西則祭器樂器廟重檐丹楹采桷綠瓦紅堦壁門內
焚帛爐外卦牲房西嚮歲以四時仲月諏吉仲春出祧主合食其禮堂中始封
祖專案正位南嚮左東夾祧主共案次二昭共案東嚮右西夾室祧主共案次
二穆共案西嚮少西設香帛案一尊案一每案羊豕各一鉶簠簋各二籩豆各
八位各帛一爵三樂器六同祖所出子孫成人以上屆期會祭府僚與陪執事
通贊屬官爲之奉香帛爵則用子孫先三日王人齋外寢衆咸齋祀日昧爽主
人朝服入位堂檐內正中與祭伯叔輩位東階上兄弟子孫位東階下位以世
差世以齒序官屬位西階下序以爵俱北面質明子弟長者二人詣世祖室四
人分詣東西夾室昭穆室各奉主安几昭考右妣左穆考左妣右跪一叩興主
人盥就位迎神樂作詣始祖位前三上香以次詣各祧位前上香率族屬行二
跪六拜禮奉帛爵奠獻讀祝如儀三獻訖詣始祖位前跪受爵受胙三拜微饌
送神二跪六拜詣燎位眠燎禮成奉主還室退分胙頒族屬其時祭之禮堂中
設案五始祖考妣正位南嚮高曾祖廟依昭穆爲左右案各羊一豕一餘如合

食制其時節薦新屆日主人夙興率子弟盛服入廟潔堂宇設案陳果羞盤各
六每位箸二瑛三啟室以次詣各案前跪上香三拜子弟徧獻酒主人二跪六
拜子弟隨行禮畢闔室退因事致告薦果羞各四禮同薦新月朔望謁廟亦如
之貝勒貝子宗室公家祭廟五楹三爲堂後楣北分室五奉始封祖暨四代兩
旁夾室奉親盡祧主廟不重檐門不備采餚如親王合食始祖專案羊一豕一
東夾室祧主暨二昭專案羊豕各一西夾室祧主暨二穆亦如之時祭俱專案
昭穆各同牲遷豆眠親王各減二不用樂一跪三拜時節薦果盤各四有事則
告朔望則謁餘如親王儀

品官士庶家祭凡品官家祭廟立居室東一至三品廟五楹三爲堂左右各一
墻限之北爲夾室南爲房庭兩廡東藏衣物西藏祭器庭繚以垣四至七品廟
三楹中爲堂左右夾室及房有廡八九品廟三楹中廣左右狹庭無廡僅藏衣
物祭器陳東西序堂後四室奉高曾祖廟左昭右穆妣以嫡配南嚮高祖以上
親盡則祧由昭祧者藏主東夾室由穆祧者藏主西夾室遷室祔廟並依昭穆

世次東西序爲祔位伯叔祖父兄弟子姓成人無後者殯者以版按行輩墨書
男東女西東西擯定牲器之數一至三品羊一豕一每案俎二鉶登各二籩豆各
各六四至七品特豕案一俎籩豆各四八品以下豚肩不特殺案一俎籩豆各
二歲祭以四時仲月諏吉讀祝贊禮執爵皆子弟爲之子孫年及冠皆會祭前
三日主人暨在事者齋祀日五鼓主人朝服衆盛服入廟主人俟東階下族姓
俟庭東西順昭穆世次主婦率諸婦盛服入詣饗所眠烹飪奠定入東房治籩
豆陳鉶登匕箸醯醬以俟質明子弟長者啟室奉主陳之几昭位考右妣左分
薦者設東西祔位主人升自東階盥訖詣中檐拜位立族姓行尊者立兩階上
卑者立階下咸北面主人詣香案前跪三上香進奠爵興復位率族姓一跪三
拜主人詣高祖案前獻爵曾祖肅案前畢獻如儀分薦者徧獻祔位酒讚祝每
獻主婦率諸婦致薦一叩興初獻匕箸醯醬亞獻羹飯肉裁三獻餅餌果蔬菜
位送神一跪三拜既畢與祭者出主人率子弟納神主上香行禮徹祭器闔

門退日中而餽三品以上時祭徧舉四至七品春秋二舉八九品春一舉與祭者尊卑咸在主人肅入席酌尊者酒子弟年長者離席酌主人長幼獻酬交錯已事咸出徹席餽庖人僕人必盡之令節薦新一至三品每案果羞各四四至七品減果二八九品並減羞二具羹飯則同月朔望供茶食案二器儀同時薦庶士家祭設龜寢堂北以版隔爲四室奉高曾祖禰妣配之位如品官儀南嚮服親成人無後者順行輩書紙爲祔位已事焚之不立版每四時節日出主以薦粢盛二盤肉食果蔬四器羹二飯二先期致齋薦之前夕主婦在房治饌逮明主人吉服率子弟奉主陳香案昭東穆西設祔位西序案主人立東階下衆按行東西立主人上香畢一跪三拜興主婦率諸婦出房薦匕箸醯醬跪叩退主人至案前以次酌酒薦熟跪叩興子弟薦祔位畢讀祭文再獻主婦薦飯羹三獻薦餅餌時蔬主人率族姓行禮訖焚祭文及祭位納主徹退日中而餽春一舉月朔望獻茶有事則告俱一跪三拜庶人家祭設龜正寢北奉高曾祖禰位逢節薦新案不踰四器羹飯具其日夙興主婦治饌主人率子弟安主獻祭

一切禮如庶士而稍約月朔望供茶然香燈行禮告事亦如之

禮志七

嘉慶一

登極儀

授受儀

太后垂簾儀

親政儀

大朝儀

常朝儀

太上皇帝三大節朝賀儀

太皇太后皇太后皇后三大節朝賀儀

大宴儀

上尊號徽號儀

冊立中宮儀

冊皇太子儀

冊諸王儀

附公

二曰嘉禮屬於天子者曰朝會燕饗冊命經筵諸典行於庶人者曰鄉飲酒禮而婚嫁之禮則上與下同也周官以嘉禮親萬民體國經野罔不繇此茲舉其大者附以儀之同者著於篇

登極儀清初太祖崩業建元天命正月朔即位貝勒羣臣集殿前按翼序立皇

帝御殿皆跪八大臣出班跪進上尊號表侍臣受跪御前宣讀帝降座焚香告天率貝勒羣臣行禮三跪九叩畢復座貝勒等各率旗屬慶賀太宗踐阼亦如之天聰十年改元崇德建國號曰大清前期誓戒三日築壇備鹵簿屆日帝率羣臣詣天壇祇告禮成奉御寶官先行帝自中階登壇升座貝勒等三跪九叩畢衆跪貝勒分左右列奉寶官跪獻帝受寶轉授內院官羣臣行禮如初畢皆跪宣讀官奉滿蒙漢三體表文立壇東以次畢讀羣臣行禮訖復位奏樂駕還宮翼日帝御殿羣臣表賀三跪九叩次執事官行禮如前儀於是賜宴頒赦詔八年世祖嗣服遣官告壇廟如初禮唯不設鹵簿不作樂不賜宴順治元年十月朔定鼎燕京先期太常官除壇壝司設監設座案屆日遣官告廟社備大駕鹵簿帝御祭服出大清門詣南郊告天地禮成導入天壇東幄次易禮服御座羣臣跪禮部尙書引大學士一人升自東階正中北面跪學士一人自案上奉寶授大學士祇致辭云皇帝君臨萬國諸王文武羣臣不勝懼忭訖轉授學士學士跪受陳於案復位羣臣禮畢駕還宮鴻臚寺官設御案皇極門中檐東

設表案王貝勒等序立內金水橋北文武官序立橋南俱東西嚮樂作帝御座則止鳴鞭執事官階上行禮畢就位王率羣臣進表行禮畢鳴鞭駕還宮越九日甲子頒詔如制聖祖續業分遣官祭告天地宗社帝袞服詣几筵行三跪九叩禮祇告受命御側殿易禮服詣太皇太后皇太后兩宮各行三跪九叩禮遂乘輿出乾清門御中和殿內大臣等執事官行禮復御太和殿王公百官上表行禮如儀不宣讀不作樂不設宴王公入賜茶畢還宮反喪服就苦次頒詔世宗承大統一如前儀惟罷賜茶高宗以後儲宮嗣立者竝同

授受儀古內禪儀初高宗享國日久嘗諭年至八十六歲即歸政逮乾隆六年詔曰自古帝王內禪非其時怠荒即其時多故倉猝授受禮無可採今國家全盛其詳議典禮以聞於是諱吉定儲位以明年爲嗣皇帝元年禮臣上儀注先期遣官祭告廟社屆日所司設御座太和殿左右几二正中寶案稍南東西肆東楹詔案西楹表案南北肆黃案居丹陛中楹內敷嗣皇帝拜褥殿前陳鹵簿門外步輦午門外五輶駒象仗馬黃蓋雲盤檐下設中和詔樂門外丹陛大

樂內閣學士奉傳位詔陳東案禮部官陳賀表西案大學士等詣乾清門請寶
陳左几大學士二人分立兩檐下王公百官序立朝鮮安南邏羅廓爾喀使臣
列班末欽天監官詣乾清門報時嗣皇帝朝服出毓慶宮時後扈內大臣二人
率侍衛二十人集乾清門外導引禮部長官二人立門階下前引大臣十人立
殿後階下太上皇帝禮服乘輿出嗣皇帝從諸臣前引後扈午門鳴鐘鼓至殿
後降與太上皇帝御中和殿升座嗣皇帝殿內西嚮立鴻臚寺官引執事大臣
按班不贊行九叩禮侍班者趨出就外朝位中和韶樂作奏元平章太上皇帝
御太和殿嗣皇帝侍立如初樂止階下鳴鞭三丹陛大樂作奏慶平章嗣皇帝
詣拜位立王公立丹陛上百官及陪臣立丹墀下鳴贊官贊跪嗣皇帝率羣臣
跪贊宣表宣表官入奉表至檐下正中跪大學士二人左右跪展表樂止宣訖
還奉原案退贊興嗣皇帝退立左旁西嚮大學士二人導近御前跪左大學士
請寶跪奉太上皇帝太上皇帝親授嗣皇帝嗣皇帝跪受右大學士跪接陳右
几嗣皇帝詣拜位樂作贊跪叩興率羣臣行九叩禮贊退樂止禮成鳴鞭如初

中和詔樂作奏和平章太上皇帝還宮內監豫設樂懸太上皇帝御內殿公主
福晉賢皇孫皇曾元孫未錫爵者行禮慶賀嗣皇帝易禮服祇俟保和殿暖閣
內閣學士豫奉傳位詔及御寶陳太和殿中案禮部官奉登極賀表陳東案扈
引者集保和殿外欽天監報時嗣皇帝御中和殿執事者按班行禮不贊禮畢
嗣皇帝御太和殿登極作樂止樂宣表行禮悉準前式禮畢退復位大學士進
奉詔出中門授禮部尚書尚書跪受興奉置黃案行三叩禮復奉詔陳雲盤儀
制司一人跪受興自中道出禮成俱退嗣皇帝還宮大學士等詣乾清門送寶
禮部恭鑄詔書頒行

垂簾儀咸豐十一年文宗崩穆宗幼冲嗣位御史董元醜奏請皇太后暫權朝
政稱旨命王大臣等議垂簾儀制議上懿旨猶謂垂簾非所樂爲唯以時事多
艱王大臣等不能無所稟承姑允所請云於是仲冬月朔帝奉兩宮皇太后御
養心殿聽政王公大臣集殿門外行禮如儀凡召見內外臣工兩宮皇太后皇
帝同御養心殿太后前垂簾或召某臣進見議政王御前大臣番領之引見外

官則御養心殿明殿讓政王御前大臣率侍衛等按班分立太后前垂簾設案進各員銜名豫擬諭旨分別錄注皇帝前設案各長官依例進綠頭籤讓政王等奉陳案上引見如常儀皇太后簡單內某名鈐印已授王大臣傳旨其臣工請安摺並具三分以進各省各路軍事摺報凡應降諭旨者讓政王等請旨摺擬後次日呈閱頒行唯撰擬文句仍本帝意宣示臣工宜書曰朕同治十三年德宗入繼文宗王公大臣復請兩宮皇太后垂簾悉準同治初成式光緒六年慈安皇太后薨慈禧皇太后始專垂簾制十三年歸政德宗以時艱尙棘凡召見引見仍陞座訓政設紗屏以障焉

親政儀同治十二年正月兩宮皇太后歸政穆宗行親政典禮先期遣告天地廟社屆日陳皇太后儀駕皇帝法駕鹵簿設表案慈甯宮門檻內數皇帝拜壽太和殿內東旁設詔案東次表案丹陛中案各一午門外設龍亭香亭內閣學士奉皇帝慶賀表文納諸摺捧出大學士從至永康左門外大學士接摺至慈甯門升東階陳案上退內侍舉案入皮慈甯宮寶座東內閣學士奉詔陳殿中

黃案禮部官奉王公百官賀表陳東次黃案凡將軍提鎮賀表置龍亭內鴻臚寺官引和碩親王以下入八分公以上暨蒙古王公等集隆宗門外不入八分公以下二品大臣以上集長信門外三品以下集午門外欽天監報時帝御禮服乘輿出隆宗門至永康左門外降王以下隨行至慈甯門帝升東階及門左西嚮立日講官四人在西階東嚮立前引大臣率侍衛在儀駕末分左右立皇太后出御慈甯宮中和樂作奏豫平章升座樂止帝就拜位丹陛樂作奏益平章王公大臣侍衛等循次嚮上立贊拜跪帝率羣臣三跪九拜時西楹下置御史二鳴贊官二儀駕末及午門外御史禮部官鳴贊官各二藉以侍儀永康左門及諸門內外並置鳴贊官接續外傳午門外各官隨同行禮鳴贊官贊禮成帝復位王大臣各復位立皇太后還宮禮部尙書奏禮成然後帝還宮俄復出御中和殿執事官行禮畢趨出就外朝立帝御太和殿樂作升座樂止鳴鞭三王公百官行禮其宣表頒詔並如前制光緒十三年德宗親政倣此

大朝儀天命元年始行元旦慶賀制朝儀天聰六年行新定朝儀此班朝所繇

始崇德改元定元旦進表箋及聖節慶賀儀順治八年定元旦冬至萬壽聖節爲三大節康熙八年定正朝會樂章三大節並設大朝行禮致慶王以下各官外藩王子使臣咸列班次所司陳鹵簿樂懸如制太和殿東具黃案質明王貝子貝勒集太和門不入八分公以下官集午門外禮部奉表置亭內校尉昇行至午門外陳兩旁奉表入太和殿列案上鴻臚卿引王貝勒等立丹墀鳴贊官引羣臣暨進表官入兩掖門序立丹墀朝鮮蒙古諸臣自西掖門入立西班牙糾儀御史立西檐下東嚮者二人丹陛丹墀東西相嚮者各四人東西班末八人鳴贊官立殿檐者四人陞墀皆如之丹陛南階三級鑾儀衛官六人司鳴鞭欽天監報時皇帝出御中和殿執事官行禮畢趨外朝視事駕出前導後扈如意午門鳴鐘鼓中和樂作御太和殿樂止內大臣分立前後侍衛又次其後護守之起居注官四人立西旁金柱後大學士學士講讀學士正少詹事立東檐下御史副僉都御史立西檐下鑾儀衛官贊鳴鞭鳴贊官贊排班王公百官就拜位立跪宣表官奉表出至殿下正中北嚮跪大學士二人展表宣表官宣訖

置原案丹陛樂作羣臣皆三跪九叩退就立原次鴻臚寺官引朝鮮等使臣理
藩院官引蒙古使臣就拜次三跪九叩丹陛樂作禮畢樂止退立如初賜坐羣
臣暨外臣皆就立處一跪三叩序坐賜茶畢復鳴鞭三中和樂作駕還宮樂止
羣臣退初制外官元日朝覲集保和殿前行禮康熙二十六年後罷乾隆六年
定行在聖節朝賀行禮二十四年定大朝百官班次設立紅漆木牌五十四年
增置都察院長官二人科道三十六人分立品級山旁整朝序又高宗初年文
三品武二品以上賜茶餘惟記注官外國使臣與焉嘉慶二年罷賜茶令甲元
旦萬壽節午時設宴冬至節次日受賀萬壽節先謁太廟次詣皇太后宮行禮
畢受賀直省文武官值三大節俱設香案朝服望闕行禮滿蒙漢軍分兩翼漢
官分文東武西

常朝儀太祖內辰建元後益勤國政五日一視朝焚香告天宣讀古來嘉言懿
行及成敗興廢所由訓誡臣民然未垂爲定制也崇德初始定儀注設大駕鹵
簿王以下各官朝服旛帝出宮樂作御殿陞座樂止賜坐諸臣各依班次一叩

就座部院官出班奏事畢駕還宮順治九年給事中魏象樞言故事有朔望朝有早朝晚朝內朝外朝今縱不能如往制請一月三朝以副厲精圖治至意楊
策亦言舊例百官每月十一朝似太繁數今每日入朝奏事較十一朝不爲少
應定每月初五十五二十五日行朝參禮自是遂定逢五視朝制尋定見朝辭
朝謝恩各官俱常朝日行禮帝御太和殿引見畢賜坐賜茶悉準常儀如是日
不御殿各官行禮午門外外藩來朝贊貢使亦常朝日行禮如速返則不拘朝
期即赴午門行禮外官應速赴任者亦然又定常朝御殿王公入殿中旁坐如
次康熙八年定公侯伯以下各官爲六班按次列坐後復改爲九班九年諭都
察院糾察王大臣失儀二十年置常朝糾儀御史及司員雍正二年遣侍衛四
人監察朝班定視朝日天未明鴻臚寺官二人引左右翼官入西掖門依班坐
鼓嚴起立聽贊自仗南引進整齊班列行禮如儀乾隆初敕大小各官依內廷
官例黎明坐班十六年諭部院大臣董率庶僚常朝按期赴班母曠闊光緒九
年更定朝制凡新除授各官鴻臚寺列銜名交內閣屆日禮部尙書鴻臚卿請

駕御殿等各官謝恩行禮王公百官侍鹵簿後不御殿文武官則坐班午門外
其時刻春冬以辰正夏秋以卯正遇雨雪及國忌則免坐班日鴻臚寺官按翼
定位王公集太和門外東西各二班百官集午門外東西各九班糾儀御史吏
禮司員各四人分列班首末並西面北上屆時吏禮司員受職名糾儀官環班
稽察復位坐有間以次出御門聽政儀滿初定制每日聽政必御正門九卿科
道齊集啓奏率以爲常雍正初始定御門典禮凡部院所進本有未經奉旨者
折本下內閣積若干傳旨某日御門辦事是日乾清門正中設御榻黼扆本案
一黎明部院奏事大臣暨陪奏官屬畢集庭內帝升座侍衛左右立記注官升
西階部院官升東階各就列跪尙書前侍郎後陪奏官又後尙書一人奉本匣
折旋而進詣本案前跪陳於案興少退趨東楹轉入班首跪口奏某事畢興少
退率屬循階左降其奏事次序戶禮兵工四部輪班首上三法司直第三班吏
部直第六班宗人府則列部院前翰詹科道及九卿會奏則居部院後各依班
進奏如初至吏部奏事兼帶領各部番直司員八人引見畢始退內閣侍讀學

士二人升東階詣案前跪舉本匣興退翰詹科道暨侍衛俱退時欽派讀本滿學士一人奉折本匣升東階折旋而退大學士從依班次跪記注官少進東閣立奉匣學士詣案前跪啟匣取折本依次啟奏帝降旨宣答大學士等承旨訖興自東階降記注官自西階降駕還宮奏事時令翰林官記注自順治二年始先是奏事春夏以卯正秋冬以辰初康熙二十一年命展御門晷刻春夏改辰初秋冬辰正越二年御史衛執蒲請以五日或二三日爲期聖祖諭政治務在精勤始終不宜有間二十五年置科道各二人侍班列起居注官上二十七年省起居注官其侍班翰林令啟奏折本時即退雍正初復設起居注官增二人又令編檢四人侍班列科道上乾隆二年命修撰編檢依科道例懸數珠肅朝儀嘉慶十八年諭宣本承旨時御前大臣及侍衛毋退著爲令

太上皇帝三大節朝賀儀嘉慶元年高宗傳位仁宗尊爲太上皇帝定朝賀儀屆日陳法駕鹵簿樂懸如授受儀太和殿設三案表亭昇至午門慶賀表文陳東案筆硯陝西案質明王公百官朝服外國使臣服本國服集闈下皇帝禮服

俟保和殿暖閣太上皇帝乘輿出至太和殿北階降中和韶樂作奏元平章御殿升座樂止帝殿內西嚮立鳴鞭三贊排班丹陛大樂作奏慶平章帝就拜位北嚮時鴻臚官分引羣臣贊外使肅班立贊進贊跪叩興帝率羣臣行三跪九叩禮畢帝旋位立衆退復班次樂止鳴鞭中和韶樂作奏和平章太上皇帝還宮樂止帝御殿羣臣進表行禮如儀

太皇太后皇太后皇后三大節朝賀儀順治八年定元旦慈甯宮階下設皇太后儀仗樂器皇太后御宮樂作陞座樂止帝率內大臣侍衛詣宮行三跪九叩禮畢公主福晉以下都統子尙書命婦以上行六肅三跪三叩禮作樂如初大設筵宴冬至聖壽節同唯冬至罷宴康熙八年定元旦太皇太后皇太后儀駕中和韶樂丹陛大樂全設帝率王公大臣侍衛贊都統子尙書以上官先朝太皇太后宮次詣皇太后宮行禮如儀畢皇后率公主福晉命婦行禮亦如之二十一年諭京外進表官集午門外行禮尋置糾儀御史分列宮門外午門外儀駕末嚴監視乾隆十二年定慶賀皇太后許二品命婦入班尋諭世爵朝賀增

入男爵嘉慶二十五年諭值皇太后三大節將軍督撫提鎮具表慶賀能遞黃摺祝文道光元年元旦大學士先進皇帝慶賀表文帝始率羣臣詣宮行禮同治元年皇太后皇帝同御慈寧宮受賀明年改御養心殿王公二品以上官集慈寧門外三品以下集午門外朝鮮使臣列西班牙未按班行禮不贊冬至聖壽節同唯遇大慶年俟皇太后陞殿後增用宣表例光緒二年皇太后聖壽皇帝親進表文餘儀同皇后向無受羣臣賀儀順治間定元旦慶賀儀仗全設皇后詣皇太后宮行禮畢還宮自公主及命婦俱詣皇后宮朝賀冬至千秋節同康熙時定皇后先詣太皇太后宮次皇太后宮行禮還宮升座自公主迄鎮國將軍夫人公侯迄尚書命婦咸朝服行禮雍正六年始令皇后千秋節王公百官咸蟒袍補服後準此行攝六宮事皇貴妃千秋節儀同皇后

大宴儀凡國家例宴禮部主辦光祿寺供置精膳司部署之建元定鼎宴崇德初太宗改元建號設宴篤恭殿順治元年定鼎燕京設筵宴設寶座皇極門正中帝陞座賜百官坐賜茶進酒俱一跪一叩宴畢謝恩如初禮是日賜宴有內

監數輩先行拜舞諭朝賀大典內監不得沿明制入班行禮裁抑宦官自此舉始元日宴崇德初定制設宴崇政殿王貝勒貝子公等各進筵食牲酒不足光祿貝勒亦如之順治十年令親王世子郡王暨外藩王貝勒各進牲酒不足光祿寺益之御筵則尙膳監供備康熙十三年罷越數歲復故二十三年改燔炙爲肴羹去銀器王以下進肴羹筵席有差雍正四年定元旦宴儀是日已刻內外王公台吉等朝服集太和門文武各官集午門設御筵寶座前內大臣內務府大臣禮部理藩院長官視設席丹陛上張黃幔陳金器其下鹵簿後張青幔設諸席鴻臚寺官引百官入理藩院官引外藩王公入帝御太和殿升座中和韶樂作王大臣就殿內文三品武二品以上官就丹陛上餘就青幔下俱一叩坐賜茶丹陛大樂作王以下就坐次跪復一叩帝飲茶畢侍衛授王大臣茶光祿官授羣臣茶復就坐次一叩飲畢又一叩樂止展席羣掌儀司官分執壺爵金卮大樂作羣臣起掌儀司官舉壺質酒於爵進爵大臣趨跪則皆跪掌儀司官授大臣爵大臣升自中陛至御前跪進酒興自右陛降復位一叩羣臣皆叩大

臣興復自右陞升跪受爵復位跪掌儀司官受虛爵退舉卮實酒承旨賜進爵大臣酒王以下起立掌儀司官立授卮大臣跪受爵一叩飲畢俟受爵者退復一叩興就坐位羣臣皆坐樂止帝進饌中和清樂作分給各筵食品酒各一卮如授茶儀樂止蒙古樂歌進畢滿舞大臣進滿舞上壽對舞更進樂歌和之瓦爾喀氏舞起蒙古樂歌和之隊舞更進每退俱一叩雜戲畢陳訖羣臣三叩大樂作鳴鞭詔樂作駕還宮冬至宴順治間制定如元旦儀後往往停罷元會宴凡元正朝會歲有常經遇萬壽正慶或十年國慶特行宴禮乾隆三十五年五十五年聖製元會作歌宴儀如前惟行酒後慶隆舞進司章歌作司舞節面具乘馬進揚烈舞司弦箏阮節抃者以次奏技喜起舞大臣入行三叩禮循歌聲按隊起舞歌闋笛吹進番部合奏進內府官引朝鮮俳回部金川番童陳百戲爲稍異耳千秋宴爲康熙五十二年創典設暢春園凡直省見官致仕漢員暨士庶等年六十五以上至九十者咸與遺子孫宗室執爵授飲分給食品諭母起立以示優崇乾隆五十年設宴乾清宮自王公訖內外文武大臣贊致仕

大臣官員紳士兵卒耆農工商與夫外藩王公台吉回部番部土官土舍朝鮮陪臣齒逾六十者凡三千餘人其大臣七十以上餘九十以上者子孫得扶掖入宴年最高者如百五歲司業銜郭鍾岳等得隨一品大臣同趨黼座親與賜觴宴罷頒賞物有差嘉慶初元再舉設宴皇極殿與宴者三千五十六人邀賞者五千人上自摶槐下逮袞襪以至蒙回番部朝鮮安南暹羅廓爾喀陪介略其年甲戌集丹墀誠盛典也大婚宴順治八年大婚禮成設宴如元旦儀並進皇太后筵席牲酒嗣後倣此耕籍宴順治十一年舉行命曰勞酒凱旋宴自崇德七始順治十三年定制凡凱旋陞見獲賜宴乾隆中定金川宴瀛臺定回部宴豐澤園及平兩金川錫宴紫光閣其時所俘番童有習鍋莊及甲斯魯者番神僕戲亦命陳宴次後以爲常道光八年回疆奠定錫宴正大光明殿是日大將奉觴上壽帝親賜酒命侍衛頒從征大臣酒餘如常儀宗室宴乾隆十一年設宴瀛臺賜宗室王公遵旨長幼列坐行家人禮並引至淑清院流盃亭游覽賜酒果四十八年設乾清宮命皇子王公等暨三四品頂戴宗室千三百

有八人入宴其因事未與宴者咸與賞都凡二千人嘉慶九年設筵惇敘殿略同瀨臺宴外藩宴歲除日設保和殿賜蒙古王公等凡就位進茶饌爵行酒樂舞謝恩並如元會儀其來朝進貢送親入覲或御賜恩宴或宴禮部取旨供備至諸國朝貢如朝鮮安南琉球荷蘭遣使來京亦有例宴乾隆間編甸使臣陪宴萬樹園以其國樂器五種合奏厥後凡遇筵宴備陳準部回部安南編甸廓爾喀樂又順治中定制鄉試宴順天府會試及進士傳胪宴禮部餘如臨雍經筵修書初舉日講臨幸翰林院繕寫神牌亦賜宴如例衍聖公正一員人來朝纂實錄會典皆於禮部設宴云

上尊號徽號儀清初太祖太宗建元羣臣皆上尊號其禮即登極儀也康熙中臣民合辭擬上尊號至六旬聖壽復願請聖祖諭言無裨治道皆不允行迄高宗敕定邊陲王大臣猶以上尊號請亦未允納惟新君踐阼奉母后爲皇太后皇太后爲太皇太后則上尊號國家行大慶則上徽號或二字或四字遞進以致推崇順治八年上孝莊皇后尊號其徽號曰昭聖慈壽先期祭告帝躬上奏

書屆期太和殿陳皇帝法駕慈甯宮陳皇太后儀駕供設咸備王公集太和門大臣集右翼門各官集午門分翼立帝升殿中和韶樂作奏海上蟠桃章帝閱冊寶畢執事官分置亭內鑾儀校昇行前冊亭後寶亭帝率羣臣從駕至慈甯門入宮立陞東禮部侍郎內閣學士奉冊寶入大學士奉宣讀冊寶文入侍立左旁帝就拜位王公百官依班位序立皇太后御宮中和韶樂作奏豫平章升座樂止贊跪帝率羣臣跪奏進冊大學士右旁跪進興退帝受冊恭獻大學士左旁跪接興陳中案奏進寶如前儀贊宣冊宣冊官至案前北面跪啟函宣讀訖仍納之興退贊宣冊仍置原案女官四人舉案陳宮階上丹陛大樂作奏益平章帝率羣臣三跪九叩午門外各官承傳隨班行禮禮成皇太后起座中和韶樂作奏履平章還宮皇后率六宮公主以下詣宮慶賀翼日帝御太和殿王公百官上表慶賀頒詔如制是歲大婚禮成加上徽號禮亦如之康熙初元加上徽號時以諒陰不奏書不行禮不朝賀凡大婚親政冊立皇后武功告成皇太后大慶上徽號並如常儀乾隆四十一年金川平上徽號皇太后諭帝春

秋高不宜過勞令豫陳冊寶至時行禮罷宣讀表文後倣此道光九年平回疆上皇太后徽號緬甸國王遣使進金葉賀表緬王進表自此始尊封太妃進冊寶如前儀唯內監舉案陳太妃座前帝行禮太妃起避立座旁次日御殿受賀同若遣官將事禮部尙書朝服詣內閣冊寶昇出偕大學士送之至宮門外內監入獻太妃太嬪受訖禮成冊寶初制用金康乾時兼用嘉玉道光後專以玉爲之凡尊封皇貴妃貴太嬪並用冊寶太妃用冊印太嬪用冊

冊立中宮儀崇德初元孝端文皇后以嫡妃正位中宮始行冊立禮是日設黃幄清寧宮前幄內陳黃案其東冊寶案王公百官集崇正殿皇帝御殿閱冊寶正副使二人持節執事官舉冊寶至黃幄前皇后出迎使者奉冊寶陳案上西嚮立宣讀冊文具滿蒙漢三體以次授右女官女官跪接獻皇后后以次跪受轉授左女官亦跪接陳黃案次宣寶受寶亦如之使者出復命皇后率公主福晉命婦至崇政殿御前六肅三跪三叩畢還宮升座妃率公主等行禮王公百官上表慶賀宴如常儀康熙十六年冊立孝昭仁皇后前期補行納采大徵

如大婚禮親詣奉先殿告祭天地太廟後殿則遣官祭告至日設節案太和殿中東西肆左右各設案一南北肆帝御殿閱冊寶王公百官序立正副使立丹陛上北嚮宣制官立殿中門左宣制曰某年月日冊立妃某氏爲皇后命卿等持節行禮於是正副使持節前行校尉昇冊寶亭出協和門至景運門以冊寶節授內監奉至宮門皇后迎受行禮畢內監出還節使者使者復命帝率羣臣詣太皇太后皇太后宮行禮翼日皇后禮服詣兩宮及帝座前行禮乾隆二年冊立孝賢純皇后如常儀命頒詔著爲家法嘉慶元年立孝淑睿皇后冊命會太上皇帝千秋宴訖還宮帝后詣前行禮帝御殿正副使持節禮成先詣太上皇宮門前復命餘如常儀冊封妃嬪亦自崇德初元始四妃同日受封屆時命使持節冊封如禮妃等率公主福晉命婦詣帝前六肅三跪三叩后前亦如之妃前則行四肅二跪二叩妃等相對各二肅一跪一叩康熙時貴妃七嬪與中宮同日封諸嬪有冊無寶乾隆十三年定皇妃攝六宮事體制宜崇祭告如冊中宮儀次日朝皇太后拜跪南路左旁道光三年諭嗣後封嬪罷祭告即與

妃同日受封亦然著爲令

冊立皇太子儀康熙十四年立嫡子允礪爲皇太子先期祭告玉帛香版皆皇帝躬視屆日御殿傳制與冊立中宮同正使授冊副使授寶行禮畢正副使復命帝率皇太子祭告奉先殿皇太子拜褥敷幄外並詣帝后宮行禮翼日帝御殿受賀頒詔如常儀王公進箋皇太子前致慶皇太子詣武英殿與親郡王等行禮外省文武官並箋賀如儀遇太子千秋節太子先詣奉先殿致祭隨詣皇帝前行禮還毓慶宮旋御惇本殿受賀王公百官二跪六叩畢還宮羣臣退朕後允礪廢立迄晚年儲位未定五十年後大學士王掞七上密疏請建國本六十年復申前請觸聖怒至乾嘉後始明宣不立儲貳諭旨開國固未嘗有也冊封諸王儀崇德元年定冊封日王貝勒序立崇政殿前內院官奉制冊印陳於案朕旨授封諸王等皆跪宣冊官奉冊官並立案東次第宣畢奉冊印授諸王等王等祇受轉授從官復位禮畢隨奉冊官赴清寧宮詣帝后前行禮三跪九叩遂出大清門諸王等互賀俱二跪六叩還邸福晉夫人各行慶賀府僚致

賀諸王二跪六叩貝勒僚屬一跪三叩康熙十二年定制凡冊封簡正副使二人前一日殿堂上設節案香案冊寶案堂前儀衛樂懸備陳屆期正副使詣太和殿奉節出校尉昇冊寶亭赴王府王率府僚跪迎門外正副使奉冊寶節分陳各案立節案東王立案西行禮畢王詣香案前跪聽宣制冊使者授冊寶王祇受復位行禮如初使者奉節復命王率府僚跪送迎送俱用樂封親王曰寶郡王曰印貝勒有制冊無印行禮謝恩並同初制封親王世子用金冊郡王鍍金銀冊貝勒授誥命旋改用紙制冊咸豐十年諭冊封親王用銀質鍍金以恭親王奕訢王爵世襲仍製金冊冊封公主封使至公主率侍女迎儀門右使者奉制冊入陳門前黃案上移置堂前幄內公主升西階六肅三跪三叩宣訖授侍女公主跪受行禮如初使者復命仍送儀門外是日帝陞殿公主至御前次入后宮並六肅三跪三叩又次詣諸妃前各四肅二跪二叩還府府屬慶賀餘如封親王儀凡固倫公主和碩公主同輩者封長公主長者封大長公主並給金冊云

禮志八

卷二

大婚儀

皇子婚儀

王公婚禮附

公主下嫁儀

郡侯以下干貝

品官士庶婚禮

視學儀

四庫附

經筵儀

日講附

策士儀

頒詔儀

選拔郎官附

進書儀

進表箋儀

巡狩儀

鄉飲酒禮

大婚儀清初太祖戊子年葉赫國貝勒納林布祿送妹來歸帝率貝勒等迎之大宴禮成時猶未定儀注也太宗卽位後行冊立禮至順治八年世祖大婚始定納后儀先期諱吉行納采禮前一日遣官祭告郊社太廟屆日質明設節案太和殿禮物具丹陛上陳文馬其下正副使俟丹墀東鳴贊官口贊使臣三跪九拜訖升東階立陞上宣制官傳制使臣跪制曰茲納某氏某女爲后命卿

等持節行納采禮大學士入奉節出授正使正使受偕副使興前行降中階左執事官納儀物綵亭中儀仗前導衛士牽馬從出太和中門詣后邸后父朝服跪迎門外道右既入使臣陳節中案執事陳儀物左右案陳馬於庭使臣傳制納采以次奉儀物授后父后父跪受興率子弟望闕行禮使臣出跪送如初前期一日行納徵禮所司具大徵儀物遣使傳制如納采儀大婚前一日復遣官祭告屆期鹵簿樂懸具帝御太和殿閱冊寶制辭曰皇帝欽奉皇太后懿旨納某氏爲皇后茲當吉月令辰備物典冊命卿等以禮奉迎遣使如冊后儀使臣隨冊寶亭出自協和門駕還宮時皇后儀仗陳邸第封使至后父率親屬朝服迎門外后禮服迎庭中后母率諸婦咸朝服跪使臣奉冊寶入陳案上后就案南北而跪內院官西嚮立讀冊寶文次第授左女官女官跪接獻皇后后祇受轉授右女官亦跪接陳案上蓋內后興六肅三跪三叩禮畢陞輦女官奉蓋置綵亭鼓樂導前次儀仗次鳳輦后父母跪送如跪迎儀輦至協和門儀駕止女官奉蓋前行置中宮輦入自中門至太和殿階下降輦入宮帝御中和殿率諸

王詣皇太后前行禮畢諸王退帝御太和殿賜后父及親屬宴王公百官咸與
皇太后御位育宮即保和殿賜后母及親屬宴公主福晉命婦咸與越三日帝
復御太和殿王公百官上表慶賀頒詔如制賜后父母兄弟服物有差十一年
大婚越三日后謁皇太后禮畢始宴康熙四年大婚就后邸設納采宴公主輔
臣命婦各三人內大臣侍衛及公以下羣臣二品以上咸與大微亦如之賜后
祖父母父母衣服謝恩如儀至日使臣奉冊寶至后祇受畢欽天監報時后陞
輦命婦四人導前七人隨後皆騎內大臣侍衛從至太和殿階下退后降輦內
監奉冊寶導至中和殿命婦退執事命婦迎侍入宮奉冊寶內監授守寶內監
退帝詣太皇太后皇太后前行禮御殿賜宴如初皇太后率輔臣命婦入宮賜
后母及親屬宴公主福晉不與時加酉宮中設宴行合卺禮翼日后詣兩宮朝
見三日受賀頒詔如常儀同治十一年納采大徵發冊奉迎悉準成式惟屆時
后陞輦使臣乘馬先內監扶左右內大臣等騎從至午門外九鳳曲蓋前導行
及乾清門龍亭止使臣等退禮部官奉冊寶陳交泰殿左右案退輦入乾清宮

執事者俱退侍衛合隔扇福晉命婦侍輦入宮宮中開合卺宴禮成光緒十五年大婚越六日始朝見皇太后又越二日帝受賀餘儀同

皇子婚儀先指婚簡大臣命婦陪老者襄事福晉父蟒服詣乾清門北面跪大臣西面傳旨今以某氏女作配皇子某爲福晉福晉父三跪九拜退擇吉簡內大臣侍衛隨皇子詣福晉家行文定禮福晉父綵服迎門外皇子升堂拜福晉父答拜三拜興見福晉母亦如之辭出福晉父送大門外行納采禮所司具儀幣並備賜福晉父母服飾鞍馬以內府大臣宮殿監督領侍充使及門福晉父迎入中堂謝恩畢與宴大臣陪福晉父宴中堂命婦女官陪女眷宴內室畢使者還朝復命婚前一日福晉家齋妝具陳皇子宮至日皇子詣帝后前行禮若爲妃嬪出則並詣焉時相鑾儀衛備綵與內府大臣率屬二十護軍四十詣福晉第奉迎綵與陳堂中女官告升與福晉升父母家人咸送內校昇行女官從出大門乘馬至禁城門外衆步行隨輿入至皇子宮門降女官導入宮屆合卺時皇子西嚮福晉東嚮行兩拜禮各就坐女官酌酒合和以進皆飲酒饌三

行起仍行兩拜禮於時宮所張幕結綵設宴福晉父母親族暨大臣命婦咸與
禮成翌日皇子福晉夙興朝見帝后女官引皇子居左稍前三跪九拜福晉居
右稍後六肅三跪三拜見所出妃嬪皇子二跪六拜福晉四肅二跪二拜越九
日歸寧已宴偕還不踰午王公婚禮崇德間定制凡親王聘朝臣女爲婚納采
日府屬官充使是日設宴牲酒盛陳婚日宴亦如之給女父母服物鞍馬符例
若外藩親郡王貝勒台吉女儀物視爵次爲差婚日宴牲多少異宜世子郡王
貝勒貝子鎮輔國公聘娶儀物暨宴日牲酒其數遞降皆有差等順治間更婚
制限貝勒以下罷用珠綬賜婚王公詣中和殿或位育宮謝恩其子未受封者
婚禮視其父已受封則從其爵康熙初始令王公納采易布爲綬餘如故

公主下嫁儀指婚日額駙蟒服詣乾清門東階下北面跪襄事大臣西面立定
制以某公主擇配某額駙祇受命謝恩退初定諭日詣午門進一九禮即納采
也駝馬筵席羊酒如數得旨分納所司次日燕饗額駙率族中人朝服謁皇太
后宮禮訖集保和殿帝陞座額駙等三跪九拜御筵既陳進爵大臣跪進酒帝

清 王 考
受飲還賜大臣酒跪飲之時額駙等行禮惟一拜微宴謝恩一跪三拜出至內右門外三跪九拜退凡帝前謝恩皆贊后宮前不贊是日額駙眷屬詣皇太后皇后宮筵宴如儀釐降前一日額駙詣宮門謝恩內府官率鑾儀校送妝奩詣額駙第內管領命婦偕女侍鋪陳至日額駙家備九九禮物如鞍馬甲冑詣午門恭納燕饗如初定禮吉時屆公主吉服詣皇太后帝后暨所生妃嬪前行禮命婦翊升與下簾內校昇出宮儀仗具列燈炬前引福晉夫人命婦乘輿陪從詣額駙第行合巹禮其日設宴九十席如下嫁外藩但用牲酒成婚後九日歸宮謝恩公主入宮行禮額駙詣慈甯門外乾清門外內右門外行禮天命八年太祖御八角殿訓公主以婦道母陵侮其夫恣意驕縱違者罪之時議謂王化所由始厥後定制額駙及其父母見公主俱屈膝叩安有賚賜必叩首尋遠古轍已逮道光二十一年仁宗以爲非禮所宜稍更儀注額駙見公主植立申敬公主立答之舅姑見公主正立致敬公主亦如之如餽物俱植立免屈膝以重倫紀著爲令又定下嫁時停進九九禮並罷筵宴自後罷宴以爲常明年改初

定進羊九繼此踵行同治時定公主歸寧免額駙內右門行禮餘如前儀郡主于歸禮崇德間定親王嫁女聘儀鞍馬甲冑十有五如嫁外藩親王以下納采用駝馬羊準七九數媵婢八男婦五戶順治時朝臣聘儀鞍馬甲冑各七乾隆時定郡王媵婢六男婦四戶嫁朝臣聘用鞍馬七外藩納采視崇德時爲減郡王以下縣主郡君縣君鄉君子歸禮以次遞殺康熙八年定郡主縣主歸寧禁母家給滿洲人口限用蒙漢人八名郡君至鄉君蒙漢人六名將軍至宗室女四名乾隆三十五年罷朝臣進納采禮外藩如故不設宴

品官士庶婚禮凡品官論婚先使媒妁通書迺諭吉納采自公侯伯訖九品官儀物以官品爲降殺主婚者吉服命子弟爲使從者齋儀物至女氏第主婚者吉服迎從者陳儀物於庭奉書致命主婚者受書告廟醴賓賓退送之門使者還復命是日設宴具牲酒公侯以下數各有差婚前一日女氏使人奉賓席往婿家陳衾帷茵蓐器用具屆日婿家豫設合卺宴婿吉服俟備儀從婿承父命親迎以綵輿如女氏第女氏主婚者告廟辭曰某第幾女某將以今日歸某氏

清　　易　　用
酒筭而命之還醮女內室父東母西女盛服出北面再拜侍者斟酒醴女父訓以宜家之道母施衿結帨申父命女識之不唯婿既至入門再拜奠雁出姆爲女加景蓋首出婿揖降女從姆導升輿儀衛前導送者隨輿後婿先還輿至門婿導升西階入室踰闕媵布婿席東旁御布婦席西旁交拜訖對筵坐餽入卒食媵御取琰質酒分醑婿婦三酌用疊卒醑婿出媵御施衾枕婿入燭出是日具宴與納采同品官子未任職禮視其父受職者各從其品士婚禮視九品官庶民納采首飾數以四爲限與不飾綵餘與士同婚三日主人主婦率新婦廟見無廟見祖祔於寢如常告儀雍正初定制漢人納采成婚四品以上綢緞首飾限八數食物限十品五品以下減二八品以下又減二軍民紬絹果盒亦以四爲限品官婚嫁日用本官執事燈六鼓樂十二人不及品者燈四鼓樂八人禁糜費凡官民皆不得用財禮云

視學儀順治建元帝幸太學釋奠先期衍聖公五經博士至聖裔五人元聖及配哲諸裔各二人乘傳赴京各氏子孫見列朝官考各官學師生暨進士舉貢

咸與觀禮內閣擬經書祭酒司業撰講章進御屆日大成門東張大次彝倫堂設黃幄御座幄前置御案左右講案二祭酒等奉講章及進講副本書左經右陳於案帝禮服乘輿詣學祭酒司業率官屬諸生跪迎成賢街右駕入幄詣大成殿釋奠禮畢出易袞服幸彝倫堂御講幄升座王公立階上百官立階下衍聖公率博士各氏裔祭酒等率官生就拜位行三跪九叩禮畢自王公訖九卿以次賜坐尋詣堂內跪一叩鴻臚官贊進講祭酒司業入北嚮立所司舉經案進御前賜講官座祭酒等一叩坐依次宣講翰詹四品以下官監官師儒博士聖賢後裔肆業諸生圓聽講畢退聽講者咸退復位序立跪聆傳制辭曰聖人之道如日中天講貫服膺用資治理爾師生勉之祭酒等三跪九叩退賜茶羣臣受飲一叩禮成駕出咸跪送翼日監官博士暨諸生表謝帝御太和殿禮賜如常儀並賜衍聖公各官宴禮部越三日頒敕太學詔諸生策勵資衍聖公冠服監官博士等衣一襲助教諸生白金有差康熙八年聖祖釋奠太學講經悉準成式雍正二年諭視學大典稱幸非宜嗣後更幸爲詣乾隆二年命閔冉言

卜顥孫端木六氏博士陪祀觀禮準五氏例行明年帝親視學聖賢各裔暨東野氏來觀禮者三十二人送監求學即召衍聖公等面諭之謂既爲聖賢後當心聖賢心非徒讀其書而已必躬行實踐事求無愧方爲不負所學其務勤思勉勵克紹心傳咸豐三年二月上丁帝親詣太學行釋菜禮越六日臨雍講學王公大臣聖賢後裔以至太學諸生環集橋門璧水間者以萬數臨雍命下既諏吉所司設御幄大成門外其辟雍殿階陳中和韶樂太學門內陳丹陛大樂清樂殿內經書案譜案備具如前帝釋奠畢御彝倫堂易袞服臨辟雍太學鳴鐘鼓升座樂奏止有節贊齊班講官侍班糾儀各官就拜位贊跪叩興行二跪六叩禮興若衍聖公入觀先進講大學士以至諸生分班立行禮訖滿漢講官入一叩就坐講四書帝闡發書義宣示臣工園橋各官生跪聆畢興祭酒講經帝闡經義如初禮餘同視學儀先是御史曹學閔上言宜攷古制建辟雍於國子監格部議至四十九年新建國學成明年將臨雍命大臣規濬圓水禮樂備舉特旨獎學閔並令朝鮮使臣隨班觀禮禮成賞賚有差翼日加賚聖賢各氏

裔及諸生綱吊道光三年臨雍命庶生豫聽宣講諭監官曰化民成俗基於學校興賢育德責在師儒士先器識漸摩濡染厥有由來爾監臣式茲多士尙其端教術正典型母即於華母隣於固入孝出弟擇友親師庶幾成風紹休聖緒令甲車駕幸魯展禮先師講學闕里豫選聖賢裔二人直講翰林官撰講章前一日張大次奎文閣設御座詩禮堂前置案講案列西檐下屆日陳講章及副本於案帝出行宮衍聖公綵服率五經博士贊各氏跪迎廟門右帝入詣大成殿祭孔子如上丁儀駕出御詩禮堂升座衍聖公以下官隨至序立庭中行三跪九叩禮訖進講直講者一跪三叩興講經書訖俱退駕謁孔林翼日賜衍聖公等帛金書籍有差簡各氏弟子有文行者貢太學凡登仕版並進一階

經筵儀初沿明制閣臣例不兼經筵順治九年春秋仲月一舉始令大學士知經筵事尙書左都御史通政使大理卿學士侍班翰林二人進講豫設御案講官案列講章及進講副本左書右經屆時帝常服御文華殿記注官立柱西東面講官等二跪六叩興序立左右侍班官分立其後糾儀官立東西隅鳴贊官

贊進講直講官請案前跪三叩興分就左右案先後講四書與經復位帝宣示
清漢文御論各官跪聆畢大學士奏辭感悅興降階行二跪六叩禮畢帝臨文
淵閣賜坐賜茶禮成還宮賜宴本仁殿宴畢謝恩康熙十年舉經筵命大學士
熊賜履爲講官知經筵事頃之聖祖以春秋兩講爲期闕疏遂諭日進講弘德
殿二十四年定制以大學士左都御史侍郎詹事充經筵講官二月文華殿成
舉行典禮世宗踐阼居亮陰未舉雍正三年八月吉日詔言帝王御宇咸資典
學朕承庭訓時習簡編味道研經實數政甯人之本茲當釋服亟宜舉行於是
進講如儀乾隆五年諭曰經筵之設藉獻箴規近進講章辭多頌美殊失咨儆
古意人君敷政正賴以古證今獻可替否其務剗切敷陳期裨政學庶有當稽
古典學實義七年經筵日雨禮臣依例請改期諭曰魏文侯出獵遇雨尚不失
信處人矧茲大典復經祭告詎宜改期執事諸臣可衣雨服列班暫罷階下行
禮殿內賜茶諸儀嗣後遇雨倣此翰林院專司日講冬夏至前一日迺輒十四
年以進呈經史漸等具文諭令停止五十一年御經筵賜宴禮臣隨侍者分東

西班牙特命歌抑戒詩嘉慶中張鵬展疏請翰林科道日進經義奉議詔責其迂
文宗登極曾國藩請復日講舊典格部議次年咸豐紀元正月遂奉特旨令翰
詹諸臣番直并躬製題目俾撰講義分日呈覽迄光宣之際猶依此例云

策士儀天聰間始開科取士順治初會試中式舉人集天安門攷試十五年改
試太和殿丹墀定臨軒策士制先期一日丹陛上正中太和殿內東偏分設黃
案東西閣檐下備試桌局日質明內閣官朝服捧策題置殿內案上帝御太和
殿王公百官侍立鴻臚寺官引貢士詣丹陛下立大學士取題授禮部官跪受
置丹陛案上三叩舉案降左階陳御道正中讀卷官執事官各三跪九叩諸貢
士亦如之畢駕還宮徙試桌丹墀左右北嚮禮部官散題貢士跪受三叩就桌
對策訖受卷彌封諸官俟左廡檐下收封盛入卷箱收掌官送讀卷官校閱不
御殿王以下官不會集不陳齒簿閱卷三日畢翼辰前列十卷簽擬名次彙封
呈御覽帝御養心殿西暖閣閱畢召讀卷官入親定甲乙授之出拆彌封依次
繕寫綠頭籤引十人進乾清門祇俟西階下帝御宮讀卷官捧籤入跪呈引班

官引十人跪丹陛中依次奏名籍興退帝親定一甲三人二甲七人授籤讀卷官跪受興退率十人侍立西階下駕還便殿十人先出讀卷官捧卷詣紅本房填寫名次畢交內閣題金榜傳臚日設鹵簿陳樂懸王公百官列侍貢士皆公服冠三枝九葉頂冠立班末帝御太和殿讀卷等官行禮如初奉榜授受如奉策題儀鴻臚寺官引貢士就位跪聽傳制曰某年月日策試天下貢士第一甲賜進士及第第二甲賜進士出身等三甲賜同進士出身贊一甲一名某令出班前跪贊二三名亦然贊二甲一名某等若干名三甲某等若干名不出班同行三跪九叩禮退立禮部官舉榜出中路一甲進士從諸進士出左右掖門置榜龍亭復行三叩禮校尉昇亭鼓樂前導至東長安門外張之三日後繳內閣於是順天府備繖蓋儀從送狀元歸第越五日狀元偕諸進士上表謝恩如常儀乾隆五十四年殿試改保和殿舉行自後爲恒例

頒詔儀清初詔書用滿蒙漢三體文順治間定制用滿漢二體頒詔日太和殿前具鹵簿丹墀內植黃蓋雲盤殿東設詔案丹陛中設黃案午門外備龍亭香

亭天安門樓雉口中豫置朵雲金鳳其東築宣詔臺王公百官朝服集午門內閣學士奉詔書至乾清門用寶訖鋪黃案帝御殿王公以下行禮畢大學士奉詔書詣殿檐下授禮部尙書尙書跪受訖陳丹陛案上行禮畢置詔書雲盤內覆黃蓋禮部官奉盤自中路出太和門百官從至午門外置龍亭至天安門外橋南奉詔書置高臺黃案上各官按序北嚮立宣讀官臺上西嚮立衆跪聽宣先宣滿文次漢文衆行三跪九叩禮奉詔官取朵雲承詔書繫以綵繩自金鳳口中銜下禮部官接受仍置龍亭出大清門赴禮部望闕列香案尙書率屬行禮詔書臘黃刊頒各省駕不御殿百官祇候天安門外橋南餘儀同乾隆間定制凡詔書到日有司備龍亭旗仗郊迎朝使降騎奉詔書置龍亭南嚮守土官北嚮行禮鼓樂前導朝使騎以從及公廨衆官先入序立龍亭至庭中朝使東立俟行禮訖奉詔書授展讀官跪受衆官皆跪宣讀畢授詔朝使復置龍亭跪叩如初禮退長吏臘黃分頒各屬詔書所過凡屬五里內府州縣衛各官咸出郭門迎送

進書儀定制纂修實錄聖訓擇吉進呈帝御殿受書王公百官表賀玉牒本紀
次之康熙十一年世祖實錄成前期一日太和殿陞東設表案階下列實錄案
至日具鹵簿陳樂懸監修官奉表陳表亭纂修官奉實錄陳綵亭王公百官齊
集行禮如儀校尉分昇香亭綵亭出中道表亭由左監修各官從至太和殿丹
墀監修等奉實錄與表分陳案上帝御殿鴻臚官奏進實錄樂作禮部官舉實
錄案自中道升至殿門外帝興座樂止舉案入迺坐設案保和殿正中監修等
立階下齊班贊跪則皆跪贊進表宣表官跪宣畢樂作衆官三跪九叩退立樂
止衆復跪宣表官代奏致詞云某親王臣某等暨文武羣臣奏言惟世祖皇帝
神功聖德纂述成書光華萬世羣臣懼忭禮當慶賀鴻臚卿宣制答云世祖皇
帝功德配天實錄纂成朕心懼慶與卿等同之宣訖行禮如初賜茶俱一叩駕
還監修等奉實錄至乾清門交送大內退雍正中聖祖實錄與聖訓同進後以
爲常乾隆間定實錄聖訓歸皇史宬遺監修等奉藏金匱副本存內閣嘉慶十
二年更定舉案奉書選貝子以下宗室官將事自仁宗以來帝仍詣皇史宬拈

香如往制進玉牒不上表不傳制監修等隨綵亭入中和殿置案上展正中四
箇帝立閱俟進全書覽畢送皇成歲十年一纂或不御殿則於宮中覽之凡實
錄聖訓玉牒並送盛京尊藏自乾隆年始進本紀第諱吉藏皇史宬方略則進
二部一藏史宬一交禮部刊發時憲書成欽天監官歲以十月朔日進並頒賜
王公百官午門行彌朔禮頒到直省督撫受朔如常儀

進表箋儀凡萬壽節及元日長至在京王公百官各進表文在外將軍都統副
都統督撫提鎮各進賀表箋彙齊驛遞送部屆日設表案太和殿左楹表文列
綵亭昇至午門外奉陳於案帝御殿宣表行禮訖並表箋送內閣收儲皇太后
聖壽皇后千秋王公暨內外文武表箋俱陳午門外禮訖亦送內閣表文初用
三體字式後專用漢文惟滿洲駐防用清文先期內閣撰擬定式頒發臨期恭
進慶賀三大節表式在京稱某親王臣某等諸王貝勒文武官等在外稱某官
臣某等誠懼誠忭稽首頓首上言末云臣等無任瞻天仰聖懼忭之至謹奉表
稱賀以聞進太皇太后皇太子箋式首具官同末云臣等無任懼忭

踊躍之至謹奉箋稱賀以聞初元旦冬至直省文武五品以上各進賀表箋萬壽節祇進皇帝表文並由長官彙進督撫不進表箋凡遇大典具本慶賀尋令各省表箋通省用總火牌一專遣齎奉乾隆時以布政使副將不能專達章疏停附進表箋例又定皇后千秋節暨元旦冬至永停箋賀皇太子慶典京朝官集賀不具箋外吏亦免箋賀六十年高宗內禪稱太上皇帝具賀表式云子臣某率王公大臣等謹奏某歲元旦太上皇帝親授大寶子臣敬承慈命謹率同王公文武大臣等奉表賀者未云子臣及諸臣等曷勝欽悅慶忭之至謹奉表稱賀以聞賀皇帝登極表式惟頓首下云恭逢皇上受寶禮成登極紀元謹奉表慶賀者餘如前式

巡狩儀皇帝省方觀民特舉時巡盛典既諭吉帝御征衣乘輿出宮領侍衛內大臣等率禁旅翊衛扈蹕諸臣征衣乘騎以次發鑾輶所經禁隨駕官弁擾吏民踐禾稼辦治糧芻悉用公帑將入境督撫提鎮率屬迎道右紳耆量遠近蹕迎已駐蹕疆吏等朝行營門外翼日望秩方獄祭昔帝王先師咸親詣至名賢

祠墓則遣官官吏入覲詢風土人情臨視河防指授方略召試獻詞賦者拔尤授官閱方鎮兵籍辨材武經過州縣賜復獨租存問高年差給恩賚順治八年定制駕出巡幸別造香寶攜行並鑄扈從各印加行在字部院章奏內閣彙齊三日一送行在所過禁獻方物又定乘輿所經百里內守土官道右迎送康熙二十三年聖祖南巡定扈從王公大臣及部院員限駕發按次隨行厥後南巡江浙者五至泰安躬祀岱嶽渡河祠河神詣江甯謁明太祖陵四幸五臺一幸西安大率禁奢尚實亟勤民事乾隆間數奉太后南巡若河南若五臺若山東天津翠華所莅百姓蒙庥六巡江浙揆示工要大建堤堰雖糜巨萬帑金不恤也嘉慶時幸五臺清涼山行慶施澤如康熙故事

鄉飲酒禮順治初元沿明舊制令京府暨直省府州縣歲以孟春望日孟冬朔日舉行學宮前一日執事敷坐講堂習禮以致仕官爲大賓位西北齒德兼優爲僎賓位東北次爲介位西南賓之次爲三賓位賓主介僎後府州縣官爲主人位東南若順天府則府尹爲主人司正一人主揚解教官任之贊引讀律各

二人生員任之屆日執事牽牲具饌主人率屬詣學迺速賓賓至迓門外主東賓西三揖讓迺升相嚮再拜賓即席延儀介入如賓禮就位贊揚牌司正升自西階北嚮立賓主皆起立贊揖司正揖賓介以下答揖執事舉幕酌酒於解授司正司正揚解而語曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉黨毋或廢墜以忝所生讀畢贊飲酒司正立飲贊揖則皆揖司正復位賓介皆坐贊讀律令生員就案北而立咸起立旅揖讀曰律令凡鄉飲酒序長幼論賢良別奸頑年高德邵者上列純謹者肩隨差以齒悖法倘規者毋俾參席否以違制論敢有譁謔失儀揚解者糾之讀畢復位贊供饌有司設饌贊獻賓則授主以爵主受之置賓席少退再拜賓答拜於儀亦如之皆坐有司偏酌贊飲酒酒三五行湯三品畢撤饌僕主僚屬居東賓介居西皆再拜贊送賓各三揖出退雍正初元諭鄉飲酒禮所以敬老尊賢厥制甚古順天府行禮日禮部長官監視以爲常乾隆八年以各省鄉飲制不盡一或頻年闕略不行舊儀載圖有

大賓介賓一賓二賓三賓與一儀二儀三儀名號紛岐按古儀禮賓若有違者
諸公大夫注之今文讀爲儀此鄉之人仕至大夫來助主人樂賓主人所榮而
違法者戴記坐儀於西北以輔主人其言主人親速賓及介拜至獻酬辭讓之
節甚繁無一言及儀所謂不干主人正禮者也嗣後鄉飲賓介有司當料簡耆
紳碩德者任之或鄉居顯宦有來觀禮者依古禮坐東北無則賓而不立儀
名五十年命歲時舉鄉飲母曠每行禮奏御製補笙詩六章其制獻賓賓酢主
人後酒數行工升鼓瑟歌鹿鳴賓主以下酒三行司饌供羹笙磬作奏南陔閒
歌魚麗笙由庚司爵以次酌酒司饌供羹者三迺合樂歌闋雖工告樂備徹饌
賓主咸起立再拜賓介出主人送門外如初迓儀初鄉飲諸費取給公家自道
光末葉移充軍儀始改歸地方指辦餘準故事行然行之亦僅矣

清史稿

禮志九

事略

親征

凱旋

命將出征

奏凱

受降

獻俘受俘

大閱

秋獵

日食救護

三曰軍禮國之大事在祀與戎周官制六軍司九伐權屬司馬而大軍旅大田役其禮則宗伯掌之是因治兵振旅爰舍大閱之教而寓蒐苗獮狩之儀以爲杜約祐烝之祭如是則講武爲有名而殺獸爲有禮有清武功輝赫凡師征受成講肄行圍諸禮節厥制綦備爰源古誼分錄事要著之於篇古者日食救護太僕贊鼓亦屬夏官今亦類附云

親征天命三年太祖頒訓練兵法書躬統步騎征明謁堂子書七恨告天是親

征所由始崇德初元太宗伐朝鮮前期誓天告廟頒行軍律令分兵爲左右翼至日駕出撫近門陳鹵簿吹螺奏樂祇謁堂子三跪九拜外建八纛致祭如初禮畢啟行康熙三十五年討噶爾丹躬率六師出中道前三日祭告郊廟太歲屆期遣祭道路礮火諸神帝御征衣佩刀乘騎出宮內大臣等翊衛午門鳴鐘鼓軍士鳴角螺祭堂子讞神如儀導迎樂作奏祐平章駕出都門詣陳兵所營礮二旗軍繼發王公百官跕送軍士整伍以次扈蹕每舍周眡地勢御營建正中各營環向線以幔城南設旌門遠斥堠嚴刁斗置巡警二十一所內大臣等率親軍宿衛外設綱城東西南三門巡警八所護軍統領率羽林軍徵循禁語譁稽出入又外布幕爲重營設四門重各置十人嚴守其從征各官列幕重營外大軍分翼牧馬禁越次駕駐行營諸軍皆止從官奏事如常夜漏初下嚴更鼓斷行人內外禁旅番巡五漏交御營鳴鐘前營角聲起初嚴外營鼙食治裝再嚴前軍拔營三嚴左右軍後軍發轎重從征官旛旌門外辨色舉礮警蹕六師所過守土官迎本境大吏則出境以迎外藩王公暨所部紳耆跪接悉同時

巡儀軍行隨時遺祭風雨山川諸神軍中堠望聖祖躬巡整軍伍御旌門簡閱將士至西巴臺使者奉敕諭噶爾丹敵望見大軍棄甲走帝率前軍長驅拖諾分遣將軍進蹕迺還噶爾丹未悛是歲秋駕巡北邊聲出塞試鷹減從十月抵白塔駐南關蒙古王以下貢獻駱驛帝賜戰勝兵士食引近御坐偏賚之次日益徹御膳犒軍踰月至呼坦和碩渡河降者踵至噶爾丹就撫迺班師明年帝三駕北征啓行如初禮至橫城止令守土大臣臨河迎蹕時哈密俘噶爾丹子送軍所額魯特部多納欵者噶爾丹仰藥死駕自黃河汎舟還

凱旋崇德二年太宗征服朝鮮班師日其君臣出城十里外送駕三跪九拜如禮歸則遣大臣二人送之啟蹕即軍前祭纛守土官道迎俟駕過隨軍次承命遙坐賜酒將至盛京二十里會鄭親王等齋奉賀表遂先除道張黃幄俟駕至伏迎道左帝入幄坐王等跪進表大學士受之宣讀畢王等三跪九拜迺大宴宴罷啟行至盛京禮謁堂子還宮康熙三十五年聖祖征噶爾丹破之還蹕托諾捷入焚香謝天入行營大學士等進賀表王公百官畢賀留牧蒙古王等迎

駕行禮喀爾喀札薩克等集營東門請瞻覲皆稽首呼萬歲賜茶及宴賚銀物
有差沿塗迎獻羅拜者繼至輻湊至清河皇子王公暨羣臣跪迎郊外五里八
旗軍校近畿士民亦焚香懸綵扶攜俛伏命前驅母警蹕環集至數百萬人鑾
輦肅動帝謁堂子如儀明年朔漠平班師亦如之還宮後遣祭郊社宗廟徧羣
神謁陵寢御殿受賀直省官咸進表文頒詔如制帝自勒銘錢石並建碑太學
云

命將出征崇德初元太宗命睿王多爾袞等出師征明躬自臨送祭堂子讞神
如親征儀遂至演武場諭誠將士順治元年命英王阿濟格爲靖遠大將軍征
流寇賜敕印其儀午門外具鹵簿陞上張黃幄設御座陳敕印齋東案王公百
官會集帝升座大將軍率出征官請拜位跪內院大臣奉宣滿蒙漢三體敕書
授大將軍敕印畢啟行十三年定出師前一日午門前例頒衣馬弓刀並傳集
出征各官面授方略賜筵宴行日咸戎服俟午門外頒敕印如初禮康熙十三
年命將分出湖廣四川禮畢駕出長安右門送行出征王率各官行至陳兵所

禮部設祖帳光祿寺備茶酒內大臣等奉引謝恩首塗如故或帝不親送則令
親王內大臣往噶爾丹之役先自歸化驛召費揚古爲撫遠大將軍至日賞識
聖祖御太和門大臣隅坐其出征運糧大臣分坐金水橋北左右作樂陳百戲
命大將軍進御前親賜卮酒跪受叩飲訖都統副都統繼進則令侍衛授酒參
領以下十人一列跪飲階上而已復命大臣等偏毗衆軍飲讌畢賜與讌者御
用蟒幣餘賜幣兵賜布同謝恩出大學士始以敕印授大將軍雍正七年定命
將前一日告廟行日告奉先殿並遣官若先出師疆場即軍前命爲大將軍者
則命正副使齋敕印往大將軍率屬旗教場廳事設黃案陳敕印大將軍跪宣
敕文正使授敕宣印文副使授印大將軍以次祇受轉授左右從官行三跪九
叩禮禮成奉入大營乾隆十四年定命將儀三一曰授敕印經略大將軍出師
皇帝臨軒頒給二曰祓社凡出師前期告奉先殿禮堂子祭纛三曰祖道經略
啟行皇帝親餽賜酒命大臣送郊外具祖帳暨謙儀並詳前徂征儀二一曰整
旅經略前隊列御賜軍械次令箭標次標旗大隊軍旅殿令箭標旗數皆

十二日守土官相見經略過境將軍督撫等服出郭迎候文自司道武自總兵以下跪道右及廳事經略正坐將軍督撫側坐文司道武提督以下行庭參禮啟行候送如前儀若頒敕印不御殿即除鹵簿樂懸百官無職事者不會集三十四年命大學士傅恒經略雲南軍務高宗不升殿不禮堂子不祭祿不親送內閣學士奉敕印至太和殿經略等先俟陛陪大學士二人立殿外屆時經略升陛印官從大學士入奉敕印出經略跪受禮畢奉敕印官前經略後及階下置敕印綵亭內前張黃蓋列御仗從征侍衛前引餘俱後隨至經略第止敕印陳廳案上屆日肅隊行

奏凱天聰初元朝鮮奏捷班師車駕出城顧武靖營野次設行幄御營一里外率諸貝勒踰行幄數武立馬以待凱旋既至遂依次排列立纛拜天入觀帝出位迎之諸貝勒行跪拜禮賜筵宴崇德元年征明凱旋太宗率羣臣出城十里迎勞王貝勒等依次成列建纛鳴螺帝率同拜天三跪九叩畢升座王貝勒進獻捷表大學士接受奉御前讀訖跪叩如儀頒旨行抱見禮於是王貝勒進御

前一跪三叩賜坐設宴同順治二年南京平豫王班師還世祖赴南苑迎勞樹
十餘大纛如初禮十三年定制出征王大臣凱旋遣王公一人偕大臣郊勞康熙
熙元年定凱旋次日帝御殿禮成免將軍等行禮筵宴免桌席止宰牲二十
年大將軍貝子章泰等自雲南奏凱駕至蘆溝橋迎勞駐蹕有司治具翼日駕
莅至齊衆拜天以爲故事乾隆十四年定奏凱功成祭告天地廟社陵寢釋奠
先師勒碑太學命儒臣輯平定方略垂彝頌經略大將軍師旋將入城遣廷臣
郊勞帝臨軒經略率有功諸臣謝恩繳印敕儀同受敕宴禮既畢兵部覆敘勳
績頒爵賞有差厥後定邊將軍兆惠等定西將軍阿桂等奏凱高宗均駐蹕黃
新莊行宮築臺郊勞百官咸會設黃幄正中南嚮兩翼青幕各八東西嚮臺在
幄南其上建左右纛中設帝拜褥東西下馬紅柱各一帝御龍袞詣臺鳴螺奏
銚歌樂將軍暨從征大臣將士皆擐甲胄跪紅柱外俟駕帝就拜位立將軍暨
羣臣班分東西鴻臚官贊跪則皆跪贊叩興帝拜天三跪九叩將軍等如之畢
帝御幄升座王公百官立東班幕下禮成帝出幄乘騎凱歌作奏鬯皇威章駕

還行宮餘依康熙間故事咸豐五年科爾沁親王僧格林沁平高唐亂還朝日文宗御養心殿行抱見禮慰勞備至先是出師頒參贊大臣關防賜訥庫尼素光刀至是同時獻納

受降崇德二年春朝鮮王服罪請降迺築壇漢江東岸設黃幄駕出營樂作濟江登壇鹵溺具朝鮮王率陪臣步行來朝遣官出迎一里外引入帝率同拜天升座國王等伏地請罪贊行三跪九拜禮賜坐位列親王上諸子列貝勒下錫筵宴還其俘並賜王以下貂服六年蒙古貝勒等投誠朝見已命較射選力士角觝賜宴俾盡懼殊典也所貢方物悉卻之乾隆十四年議制凡軍前受降飛章入告報可迺大書露布示中外築壇大營左南嚮壇南百步外樹表建大旗書奉詔納降字降者立其下經略大將軍戎服出鼓吹聲礮參贊大臣等騎從將至壇降者北面扶伏經略登壇正坐參贊僉坐諸將旁立餘皆肅班行降者膝行詣壇下俛首乞命經略宣上德意量加賞賚營門鼓吹殷然降者泥首謝興退

獻俘受俘清初太祖太宗以武功征服邊陲俘虜甚衆其時獻受猶無定制也
雍正二年討平青海俘至京始定諏吉先獻廟社俘白組繫頸行及太廟街門
外北嚮立承祭官朝服至俘伏儀同時饗至社稷街亦如之承祭官入壇致祭
儀同春秋祈報監俘者以俘出翼日帝御午門樓受俘正中設御座檐下張黃
蓋鹵簿陳闕門南北仗馬次之輦輅陳金水橋南馴象次之王公百官咸集解
俘將校立金鼓外俘後隨班位既序帝御龍輶乘輿出宮至太和門大樂銚吹
金鼓振作登樓升座贊進俘丹陛大樂作奏慶平章鴻臚寺官引將校入北面
立贊行禮俘入匍伏兵部官跪奏平定某地所獲俘囚謹獻闕下請旨制曰所
獻俘交刑部刑部長官跪領旨訖械繫出丹陛大樂作王公百官行禮如常儀
若恩赦不誅則宣旨釋縛俘叩首將校引出是日賜將校燕兵部次日賜冠履
銀幣有差凡平定疆宇受俘儀並同乾隆時版圖日廓二十年剿平準噶爾獲
達瓦齊暨青海羅卜藏丹津先後擒入一歲中兩行斯典越五年底定回疆討
平拉促浸皆遞舉盛儀先後六歲凱歌四奏時論稱極盛云

大閱天聰七年太宗率貝勒等督厲衆軍練習行陣是爲大閱之始順治十三年定三歲一舉著爲令尋幸南苑命內大臣等擐甲胄閱騎射並演圍獵示群臣康熙十二年閱兵南苑聖祖擐甲登瞭鷹臺御黃幄內大臣都統等各東部曲王貝勒等各率旗屬並自西而東既成列槍鳴號發自東結陣馳以西按翼分植閱畢命樹俟臺上親發五矢皆中的復騎而射一發即中釋甲賜宴迺還厥後行閱或蘆溝橋或玉泉山或多倫諾爾地無一定時亦不以三年限也三十四年復幸南苑行閱分八旗爲三隊帝率皇子擐甲內大臣等扈從後建龍纛三上三旗侍衛隨行徧閱驍騎護軍前鋒火器諸營立馬軍前角螺鳴伐鼓行陣昇鹿角進甲士靡紅旗槍礮齊發鳴金止再伐鼓發槍礮如初如是者九初進率五丈再進亦如之至十進槍礮環發無間開鹿角成八門首隊出二隊三隊從既成列門閭角鳴呼譟進兩翼隊皆雁綏進鳴金收軍立本陣結隊徐旋首隊殿罷閱還行宮中敕明賞罰未閱前賜軍士食既閱賜酒雍正七年世宗幸南苑閱車騎營兵諭曰此第訓練一端耳遇敵決勝在相機度勢神而明

之存乎其人豈區區陣伍間遂足以制敵耶是日操演各依方位旗色爲陣式後北征屢以車戰勝乾隆二年大閱幸南苑御帳殿軍隊既齊步軍整列進以十丈爲率餘儀同令甲大閱日行宮外陳鹵簿駕出作鏟歌大樂奏壯軍容章及還作清樂奏鬯皇威章凡操時鳴礮三駕出及還同即日賜各旗饌筵羊豕薪炭迄嘉慶間皆如故事行會閱爲康熙三十年創典時喀爾喀新附聖祖思訓以法度特命會閱上都七溪迺集其部衆並四十九旗藩王台吉豫屯百里外駕出都上三旗兵從下五旗兵自獨石來會布營設哨三旗護軍爲一營居中八旗前鋒爲二營五旗護軍爲十營火器管兵爲四營環御營而屯前鋒爲四哨護軍爲二十四哨各設廬帳繞營而居蒙古喀爾喀諸屯徒近五十里禁入哨釐賞九等序坐七列綱城設宸幄正中御牀左右行帳各二儀仗樂懸具依次置宴蒙古王等居左喀爾喀居右順序習舞衆技畢陳迺命喀爾喀汗濟農諾顏等進御前賜卮酒餘令侍衛分送禮成翼日各管就列陳巨礮帝擐甲閱畢宣敕去其汗號以王貝勒貝子公爵爵分錫之台吉分四等比四十九旗

依等賜資恩禮有加餘如儀京營訓練歲以春秋季月合操四次春貫甲秋常服營陣規制如大閱仲春孟秋則按旗登城習鳴螺兵部遣官稽閱歲爲常制護軍驍騎營一歲三校騎射前鋒護軍營三歲一較騎射內大臣本旗都統等臨視之至直省講武則以督撫提鎮爲閫帥歲季春秋霜降日校閱演武場先期立軍幕屆日黎明將士擐甲列陣中建大纛閫帥率將士行禮軍門鼓吹節鉞前導偏閱行陣還登將臺升帳中軍上行陣圖式請令合操遂麾旗聲礮三鳴角擊鼓軍中聞鼓聲前進鳴金則止行陣發槍如京營制閱畢試材官將士騎射申明賞罰犒勞軍士漕河訓練同八旗水師操防出洋信候各省不同歲春秋季月或夏季遇潮平風正則乘戰艦列陣張帆取風鳴角聲礮具如軍律綠營水師同

秋獵清自太祖舊跡東陲率臣下講武校獵習兵太宗踵行之世祖統一區夏數幸南苑令禁旅行圍始立大狩扈從例康熙初元定車駕行圍駐所置護軍統領營總各一人率將校先往度地勢武備院設行營建帳殿繚以黃繫木城

立旌門覆以黃幕其外爲綱城宿衛屯置不越其所十年罷木城改黃幔康熙
二十年幸塞外獵南山尋出山海關次烏拉皆御弓矢校獵越二年六月幸古
北口外行圍木蘭蒐獵始此木蘭在承德府北四百里屬翁牛特先是藩王進
獻爲蒐獵所邇千三百餘里林木葱鬱水草茂群獸聚以孳畜焉至是舉行
秋獵典間有冬令再出者三十三年設虎槍營分隸上三旗置總統總領大狩
行田遇有猛獸列槍以從並命各省駐防兵歲番獵以爲常六十一年復幸塞
外行圍賞蒙古王公等衣物定爲恆制雍正八年令八旗人習步圍旗各行圍
二三次乾隆初元置綜理行營王公大臣一人凡啟行校獵駐蹕守衛諸事皆
屬之六年御史叢洞奏請暫停行圍諭曰古者蒐苗獵狩因田獵講武事皇祖
行圍既裨戎伍復舉政綱至按歷蒙薄曲加恩意尤爲懷遠宏略且時方用兵
數有徵發行圍偶輒旋即興舉況今承平日久人習宴安弓馬漸不如舊豈可
不加振厲是秋木蘭行圍所過州縣寬免額賦十之三永爲例圍場凡六十餘
所每歲大獵或十八九圍或二十圍踰年一易設圍所在必豫戒期首某所巡

某所訖某所收圍並編定其處屆日官兵赴場布列祇疾御蹕臨圍自放圍處作重圍令虎槍營士卒及諸部射生手專射自圍內逸出諸獸高宗每行獵自舊藩四十九旗暨喀爾喀青海諸部分班從圍綏輯備至泊平西域遠藩如左右哈薩克東西布魯特安集延布哈爾朝謁踵集唯恐後時土爾扈特亦皆挈部衆越數萬里來庭帝嘗御布固圖昌阿撫慰之旋賜名曰伊絲國語會極歸極也二十年更定網城植連帳百七十五設旗門三分樹軍纛曰金龍去網城連帳六十丈周圍警蹕立帳房四十各建旗幟八旗護軍專司之其規制詳密如此凡秋獵先期各駐防長官選材官赴京肄習年例蒙藩選千二百五十人爲虞卒謂之圍牆以供合圍役屆期帝戎服乘騎出宮扈引如巡幸儀既駐行營禁兵士踐禾稼擾吏民訶止夜行違者論如律統圍大臣莅場所按旗整隊中建黃纛爲中軍兩翼斜行建紅白二纛爲表兩翼末國語曰烏圖哩各建藍纛爲表皆受中軍節度管圍大臣以王公大臣領之蒙古王公台吉爲副兩烏

圖哩則各以巴圖魯侍衛三人率領馳行蟬聯環市自遠而近蓋圍制有二馳入山林闊而不合曰行圍國語曰阿達密合圍者則於五鼓前管圍大臣率從獵各土旅往抵山川大小遠近糾道出場外或三五十里或七八十里齊至看城是爲合圍國語曰烏圖哩阿察密看城者即黃幔城也圍既合烏圖哩處虞卒脫帽以鞭擎之高聲傳呼瑪爾噶蒙語謂帽也聲傳遞至中軍凡三次中軍知圍合迺擁纛徐行日出前帝自行營乘騎先至看城少憩俟藍纛至駕出御橐鞬入中軍周覽圍內形勢凡疾徐進止口敕指麾突圍發矢殪之御前大臣侍衛皆射其逸圍外者從官追射或遇猛獸虎槍官兵從之或值場內獸過多則開一面使逸仍禁圍外諸人逐射獲獸已比其類以獻駕還行宮謂之散圍頒所獲於扈從者大獵禮成宴賚有差哨鹿者凡鹿始鳴恒在白露後效其聲呼之可引至厥制與常日不同侍衛等分隊爲三約出營十餘里俟旨停第三隊又四五里停第二隊又二三里將至哨鹿所則停第一隊時扈從諸臣止十餘騎而已帝命鎗獲鹿群引領疾旨而三隊以次至御前高宗蒐獵木蘭時

親御名駿命侍衛等導入深山中望見鹿群命一侍衛舉假鹿頭作呦呦聲引
牝鹿至亟發矢殪之取其血以飲不唯益壯亦以習勞也嘉慶時秋獵倣此
日食救護順治元年定制遇日食京朝文武百官俱赴禮部救護康熙十四年
改由欽天監推算時刻分秒禮部會同驗準行知各省官司其儀凡遇日食八
旗滿蒙漢軍都統副都統率屬在所部警備行救護禮順天府則飭役赴部潔
淨堂署內外設香案露臺上鋪檠具後布百官拜席鑾儀衛官陳金鼓儀門兩
旁樂部署史奉鼓旂臺下俱嚮日欽天監官報日初虧鳴贊贊齊班百官素服
分五列每班以禮部長官一人領之贊進贊跪叩興樂作俱三跪九叩興班首
詣案前三上香復位贊跪則皆跪贊伐鼓署史奉鼓進跪左旁班首擊鼓三聲
金鼓齊鳴更番上香祇跪候復圓鼓止百官易吉服行禮如初畢俱退是日禮
部祠祭司官欽天監博士各二人赴觀象臺測驗嚮日設香案初虧復圓行禮
如儀若月食則在中軍都督府救護尋改太常寺如救日儀直省遇日月食各
按欽天監推定時刻分秒隨地救護省會行之督撫署府廳州縣行之各公署

並以教職糾儀學弟子員贊引陰陽官報時至領班行禮則以督撫及正官一
人主之上香伐鼓祇跪與京師教護同